

明

詩

紀

事

明詩紀事卷二十四

貴陽陳田輯

甲籤

李壘五首

壘字宗表錢塘人洪武初國子助教有草閣集八卷

四庫總目壘詩才力雄贍古體長篇大抵清剛雋上矯

矯不羣近體亦卓犖無凡語雖爲高楊張徐諸人盛

名所掩實則竝駕中原未定孰居先後

金華詩錄草閣先生以薦官國子助教病免卜居永

康明詩綜錄草閣詩以爲錢塘人蓋草閣原在錢塘

北關外也然游山方巖石室大通寺屢見吟咏誕日

醉吟云近來結屋翠峯下我家住近東屏山則其移

居永康可徵

明三十家詩選草閣詩源於杜陵七古力勁神完縱橫如意有駿馬下坂之勢

田按草閣本以古體見長詩綜採錄已多故轉詳近

體

王予約雙鉤竹歌

王君金華人畫竹誇當代此竹乃是鉤勒之所爲坐上千人
萬人愛愛君爲人清拔俗興來踏遍簷谷籠鐘桃枝紛入
眼簷簷色葉常經日往年曾見吳門道士張溪雲歸晚軒中
事幽獨有時不作山水圖戲拈銀毫書此竹王君筆法乃過
之比似張生更神速王君寫竹能寫形脫略粉墨辭丹青或
如金錯刀或如鐵釣鏹或如銀幡寶勝之飄飄或若金節羽
衣之婀娜或如白鳳尾或若蒼龍舞天機逞其妙形狀何瑰
奇唐時亦有蕭協律所至清風起蕭瑟眼昏手顫藝轉工一
十五莖稱絕筆宋時亦有文湖州畫竹人推第一流能令萬
籜起厓谷山牆之稍爲最優東坡作竹短而瘠別試蘿蔥在

林僻玉堂多暇圖一枝復有小坡能畫石前元作者李仲賓
瑣珍卓立無纖塵邱家世不易得父子相傳俱絕倫吳興
學士趙公子飛自之石誰能比水晶宮中春日長移得藍枝
落窗几後來又有柯丹邱大乘長梢動冕旒天顏有喜頻賜
予晚節衰颯江湖秋諸公畫竹工畫影隔簾彷彿瀟湘景我
欲鼓棹遊瀟湘碧雲萬頃浮天光美人娟娟隔秋水欲來不
來空斷腸我來乘風發清嘯扁舟直過湘妃廟中流鼓瑟聲
鏗鏘和取湖南竹枝調何如曩昔行李遊京都故人爲我共
作翠竹紅梅圖原父寫梅君畫竹價重已壓青珊瑚挂成
均之左廡交遊軒冕觀如堵天上歸來十二年紫扉草閑荒
山田此君風節還依然王君王君聽我語我歌長歌日起舞

花溪水接雙溪長與君百里遙相望不如坐君西郊之草堂
漱坑舊硯檣而蒼鵝溪素練雪色光風晴老嫩任君寫無使
古人專擅長

六硯齋二筆金華王蘓字子約善畫竹多用鉤勒與
蘭溪徐良甫梅徐舜舉書號三絕蘇伯衡嘗爲鉤勒
竹歌以美之

贈朱原達

江海相違二十年今晨相見一欣然已同葛亮吟梁父况有
侯芭識太玄深谷鳥啼雲似水遠林花落雨如煙酒酣不省
他鄉客尙憶西湖小畫船

送戚縣尉之會稽

越州船樣小如梭婦女牽船唱越歌秦望山宜蓬底看賀家

湖向鏡中過青袍作尉登臨徧綵筆題詩感慨多况是右軍
遺跡在未須射鴨且籠鵝

送永嘉葛令歸燕

人人盡說丹砂令三載容成德化寬但識絃歌能變俗豈因
松菊便辭官扁舟落日孤城遠二月黃河春水寒從此去天
綫尺五故鄉風物是長安

呂思純見訪贈詩用答其意

梅雨三日溪水深一舸來訪見幽心洗杯行酒月在地開戶
讀書風滿林子才可陳賈誼策我醉但鼓陶潛琴空山茅屋
少供給持此以報雙南金

胡雲端 一首

雲端字騰霄新淦人洪武初浙江副使

玉梁觀

異境闕琳宇深溪卧玉梁雲山莽回互水月淡微茫谷暗紫
蘿合澗春瑤草芳野橋通石棧仙奕隱茅堂尋壑聞猿嘯飛
空看鶴翔何時脫塵鞅棲迎詠洞章

蕭執三首

執字子所廬陵人洪武庚戌舉人授國子監學錄

田按子所爲國子學錄三年以父老乞歸家居太和
甘竹里後徙武山連山環峙澄溪分流雜樹千章巨
竹千个其歸也貝廷璫作序送之云高秋之夕方春
之辰奉其父往來甘竹武山之境雖廟堂之貴何以
易其至樂哉匪徒辭榮得遂養志可謂至言子所與
劉子高爲詩友子高冬日同諸友訪蕭國錄詩云改
秩俄南北還家乃後先西樓初看竹南澗復聽泉神
劍驚重合蠻珠得再聯莫辭燒燭坐且復對床眠子

所謂亦清勁

西昌驛

龍門道塲西昌驛萬室鱗鱗照晴碧驛前野草如人長不聞
馬嘶空斷腸十年喪亂徧南紀月窟權奇渝萬里祇今官府
重興臺誰復置郵能致此古道迢迢春復秋北有螺浦南灘
頭城郭雖非路長在過者倉卒難淹留驛山碧鳥半無主鷓
鴣作巢滿松樹行人莫指杏花村酒樓蕭條空掩門黃塵滾
滾風浩浩請君暫閱西昌道

雲峯寺次劉子高韻

初陽陟層巒松徑剗然開涼飈動嘉樹飛瀑吼晴雷遊俗僧
初定看山客正來兒童披短褐顛倒掃莓苔

劉子高贈王明善依韻以和

匡廬之山瀑布泉老子結社來何年林間經罷常隨鹿雲外
樵歸或遇仙坐石有時巾挂樹焚香終日袖攜煙市南別有
秋江水種得花開總是蓮

周昉

二首

昉字原亮浙江新城人

田按原亮杭之新城人與徐大章友善大章爲其父
德驥作小傳稱周氏其先汴人四世祖從高宗南渡
猶居杭之新城其後遂占籍焉曾燠江西詩徵錄作
江西新城人誤矣大章稱原亮端慤有至行詩見於
海遺珠其因何事至滇今不可考矣

寄楊子東

錢塘舊友知誰在萬里滇南見子東夜市凹茶涼雨後晴湖

載酒夕陽中龍梭織景翻新樣鳳綉繁絲記舊工不是吾儕
不歸去六橋行處草茸茸

寄素軒公

行馬縱橫進謁時不干聲色尙文辭深藏結緣千金劍小試
抽黃七字詩聚遠有樓堪縱目在官無事且開眉欲知王謝
人家樂響月光風靄墨池

樓璣

一首

璣字士連金華人

田按士連詩見滄海遺珠

送鏡中照上人兼柬斗南和尙

舊住扶桑第幾山偶然蹤迹落人間蘿衣拂露辭秋壑藤杖

扶霜度曉關溟海飛來孤月小點蒼留得片雲間殷勤爲報
圓通客鶴背秋風好共還

鄒奕一 首

奕字弘道吳江人元進士除饒州錄事洪武初贑州

知府坐事謫甘肅永樂初赦還有吳樵藁

水東日記蘇州鄒弘道有文行國初謫關西與一時
知名士若江右夾谷希顏三衢徐蘭與善錢塘童權
與可天台姚文昌錢塘楊志善山東趙敬主一泰州
劉純宗厚同郡沈繹誠莊陸禕彥吉婁江丁晉仲敏
爲倡和友詩文甚多仲敏蓋吾崑人也弘道尤有文
名關中以弘道文章誠莊唐律夾谷希顏篆書爲一
時兼美云姑蘇志弘道秀目美鬚貌若玉雪論議英發文詞高
古

題倪瓈畫

落星灘上拾珊瑚淚洒倪寬舊畫夜鶴歸遲華表冷春雲
散盡墨池枯九苞文彩俱零落一代風流更有無君若九原
知我在應憐形影塞垣孤

丁晉

六首

晉字仲敏廩山人

田按仲敏詩見水東日記和誠莊龍五首列朝詩集誤作鄒泓道詩

和誠莊韻五首

關塞同爲客王門共曳裾青雲應咫尺白髮竟何如忽憶吟
梁父長懷賦子虛所嗟衰朽質多枉故人書

春來倦行樂春去卻尋幽花落隨風舞溪喧帶雨流乾坤真
逆旅身世似懸疣何物令人羨忘機海上鷗

閒居忘俗累行樂喜芳春露滴烏巾墊花迎白紗新清歌移
晚興佳句滌襟塵處處香醪熟誰家味最醕

荏苒傷春晚蹉跎惜鬢華家居猶未定社酒不須賒花柳知
無恙雲山畫莫加翠芳徒步好何用早將車

長鬚攜尺素邀客扣塗茨筋力非前日襟懷似昔時酒從花
下酌船傍柳邊維風景還堪賞重遊也未遲

寄誠莊詩

芝軒先生人中仙儒醫並稱世所艱顏井泉通上池水孔壇
杏接匡廬山焚香鼓琴白晝靜吟詩渝茗青春閑老樵何幸
忝知己日日杖藜相往還

陸禧

一首

禧字彥吉蘇州人洪武初謫甘肅

田按彥吉詩見水東日記

題山水圖

誰寫雲林景亦奇
卻如吳嶺越來溪柴門未啟雞初唱
竹院纔開鶯亂哢
藹煙籠花樹合
薄露逼柳梢低
令人萬里鄉心切
吟斷東風望欲迷

高輝祖

一首

輝祖字孟顯莆田人

元日慈壽巖遠眺

海曙新開五色霞
襲芳草碧天涯
虹橋紫氣連三島
雉堞寒煙鎖萬家
間引清尊浮柏葉
醉聽玉篴落梅花
壯懷不愧

乘槎客何事空居感歲華

陳維楨一首

維楨字用祥莆田人

壺山寺

上方臺殿靄蒼蒼及此春遊興倍長看竹解題高士句尋山
還宿遠公房徑花故點青苔色潭兩新經細草香欲問空虛
身外性鷗鵝號處又斜陽

范再一首

再字緝齋休甯人有耕隱稿

月夜與日欽朱先生坐草齋

草屋儲書傍竹低屋東野草與牆齊夜深開戶放月入不耐

莎鷄竹外曬

金居敬

一首

居敬字元忠休窩人

新安文獻志居敬師朱楓林楓林經傳旁注居敬校正之力居多

丁酉冬與楊季成宿邑南田家夜次趙子常韻呈徐縣

丞張總管

擁被依鑪話夜分山城更漏喜初聞客懷茅舍青燈伴詩思
秋空自雁羣冷掾官曹間似水將軍車從密如雲東湖孺子
文章伯且暮移尊獨向君

胡安

一首

安字伯康歙人

見山堂

家住龍山山下村。誅茅卜築傍雲根呼兒耕罷檢書策。對客
噭成共酒尊。紅雨過簾花結子。綠雲垂地竹添孫。靜觀自得
悠然趣。何用區區隱鹿門。

韓廉 一首

廉字仲廉婺源人

新安文獻志 韓樵，號好學，能詩文，兼工翰墨。時人目
爲三絕。

題秋江獨釣圖

孤舟蕩漾出江干。秋水涵空綠樹寒。更盡水源尋絕境。莫教
征稅及漁竿。

江敬弘 一首

敬弘字斐然休甯人有斐然集

新安文獻志斐然師趙東山博學能詩洪武初以吏
謫濠梁時會稽唐肅錢塘董嘉吳中王端臨川元瑄
甫東王胄天台梁楚材劉昭文皆謫居濠上相與結
詩社後免歸

吳華六言

門掩蒼苔綠竹路通白礎青山幾處蟬鳴日永坐看林鴉暮
還

金夢巖

一首

夢巖字伯明休甯人

九賢詠

錄一

請命轍門事可徵爲民甯復計金綈花封細讀題名記只有

先生不負丞

休甯丞趙公象元

鄭昂 一首

昂字處抑溫州平陽人有密菴集

林處士幽居

山籬短短徑斜斜屋子三間竹半遮歲饉無僧供菜把天寒
有鶴守梅花武陵流水非秦世姑孰青山落謝家共約春晴
草芽動杖藜攜酒踏晴沙

田按處抑天寒有鶴守梅花句項易菴寫爲圖
朝入內府編入石渠寶笈乾隆中彭文勤掌翰林
院以此句課庶吉士因倩畫工重摹此圖翰苑諸公
多有七言長律題於畫隙一時輒轉傳寫阮文達則
倩李祥鳳爲圖沈文恪則倩宋葆淳爲圖余皆得寓
目焉

游莊 一首

莊字子敬

聞宋子瑜歸

朝聞幕府解戎衣夕向空山覓紫芝彈鋏自傷爲客早折腰
方嘆去官遲蕭蕭白雁西風動采采黃花夕露滋卻憶江波
垂釣叟白頭猶作帝王師

陳安 一首

安字克盟

高大使吳淞歸興圖

楓落吳江白雁飛天涯遊子正思歸香消夜月青綾被涼入
秋風白紵衣江浦蒹葭含宿雨驛亭楊柳帶斜暉分明記得
西湖上載酒蘭舟近翠微

王中 一首

中字懋建

閒居述興

老來真懶慢林下復無營樵牧通名姓禽魚識性情臥聞黃葉落坐看白雲生更愛茆齋夜泠泠風月清

顧協

二首

協字允迪無錫人有鳴志齋稿

田按顧允迪王懋建詩皆有閒適自然之趣

江上有懷鄭山人

故人不可見悵望晉陵東客久夢多異身閒詩益工山寒雲謾雪江暝水涵空若買扁舟去應消半日風

自遣

衡門無客過終日懶衣冠身賤埋名易家貧殉俗難就風移臥榻選竹作漁竿賴有青山色長年得笑看

謝林 一首

林字璣樹武進人有雪樵集煮雪窩棗

田按璣樹龜集老人子倪雲林稱其隱居教授以樂其志家無儲粟不爲愁苦無聊之言蓋亦高蹈之士所謂此父此子也

初夏寄倪元鎮

溪上夜來雨青林密如霧日出榆柏香沙靜鳬鷺聚野夫抱琴出喜與樵者遇黃鳥時一鳴綠陰已無數緩帶受回風蓆帽粘落絮感物發長謡放懷缺清酤胡爲勞其生終歲牽百慮願言廬霍期逍遙共遲暮

明詩紀事卷二十五

貴陽陳田輯

用籤

袁華二十四首

華字子英崑山人洪武初爲蘇州訓導有
親學齋文集

十二卷可傳集一卷

四庫總目明之初年作者林立華爲諸家盛名所掩故人與詩皆不甚著實則衍華佩實具有興型非後來爲體所能及西湖竹枝集袁子英博學有奇才自幼以詩名續約間如三峯月寒木客笑丹陽湖深姑惡飛皆膾炙語也又如銀杏樹陰不受暑蕃薇花開猶早春可稱才子矣姑蘇志子英少穎悟不羣讀書一二過輒記誦不忘工詩尤長於樂府與顧阿瑛友善其家所藏書畫悉經品題

續吳先賢讚子英工爲詩楊廉夫爲樂府有所風刺

前代別爲格惟引子英與同水東日記袁子英晚年惟一子生申爲縣吏坐累並

子英徙南京以卒詹孟舉挽詩曰吳門山水閑陳雷

魚雁依然得往來書後常思洞庭橘詩中人寄隴頭梅但知抱道非貧病誰料生兒是禍胎老淚盡從枯

眼出西風遙酒鳳凰臺田按子英錢門弟子玉山遊客風華雖擅骨氣自遒

吳入皆高才連吾不敢知自楊孟載以下豈容多讓

子英兼善品題書滿其題雲林生着色山水云門外

青林生紫煙龍泓一道落飛泉卻如靈石山中宿爲

澠川書小幅近代惟倪雲林頗似之米以顛名有

余故以這名倪今觀遺畫併及之余又檢玉笥生詩

有云具否思榮雨露荒平泉銷廢子孫忙久無人下詩

爲最先矣

宿白蓮寺桂子軒分韻得月字

幽負阿蘭若消遙謝城闕池迴白蓮風林墮青桂月靜深玄

理釋心清妙香發道人潛無爲悠然思超忽

松林高士圖

曾波蕩晴旭長松落清陰曳杖者誰子消遙散冲襟野芳發
幽香覽古動遐吟美人不可見相望楚江潯

侍御史王葆墓

有宋建皇極汴京鬱嵯峨仁化戾遐邇林林英傑多崑山雖
僻土士風粹而和明經擢高第踵節肩相摩御史鄉先生學
術正不頗五傳究始終備論計舛訛粵在宣和間褒然中魏
科俄主麗水簿言事何委蛇說書輔春坊執法居諫坡從容
答時相直氣凌太阿范公在館下詰責如切磋卒爲廊廟器
詞源若江河高第隨程入室非操戈宋史書列傳耿耿名

不庶世變陵谷遷百年無幾何城南新漕里荆榛埋銅驅景行世仰止高風激頽波門牆非有限樵牧安敢過再拜重興感臨風動悲歌荒苔繁斷碣太息爲摩挲

北山寓興

北山之中春載陽膏雨霖霖草木長谿蔬野蔌青戴土老饕採擷充枯腸枸杞黃凝鞠菹熟萋蒿青點芹羹香步尋木雞竹風冷手拾菌釘松露瀼瀼拳敷腴竹萌嫩韭本豐肥同芼薑鬚裙鵝掌俱退舍牛炙豚臠難擅場春光爛熳過三月靜愛幽香生野芳寒具藤花甘勝肉涼餅蓼芽圓截肪槐葉光浮素盤涼含桃花暎清尊涼石芥鼻觸氣辛烈金罍齒嚼聲宮商不蒙朱門貴介錄獨許白屋幽人嘗物無定味貴適口

冰壺先生真欲狂李公萬羊數已定庾郎三韭貧何妨分羹
不均御者怒染指未食天倫戕驕奢淫佚古所戒口腹累人
良可傷山中之樂樂無央秋風又到尊鱸鄉菊黃橘綠萸蟹
紫桂酒新芻香滿觴菜園不愁羊踴破便當爛醉眠糟床雖
然此腹久負我結交歲暮毋相忘

拜石壇

眉山三蘇宋儒宗長公矯矯人中龍南遷僧耳西赤壁文章
光燄超洪濛快哉之亭雪初霽領客登覽山川雄自云平生
不解飲胡乃一舉觥船空和詩寬限見真率鑿崖題石摩蒼
穹功名富貴一邱土斷碑殘素傳無窮吁嗟異物神所衛玉
山合璧俄相逢奎章博士丹邱翁江南放逐驚秋風見之卽

下米芾拜二顛癡絕將無同築壇山中加愛護樹以松桂連
椅桐兩窗雲戶溼寒翠朝闌暮檻開青紅白野御史龍頭客
青年獻賦蓬萊宮戲將秃穎寫蟠匾斷釵折股流星虹只今
風塵暗河嶽王侯第宅皆蒿蓬牙籤玉軸映竹素好事獨傳
吳頤雍婁東朱珪鐵作畫字字玉屈蟠蚪蟲嗟哉昔人今已
矣慘澹故國風煙中如何二子復嗜古策勑儒墨收奇功我
來再拜重太息蒼蒼古雪吹長松登壇叫絕浮大白酒酬目
送孤飛鴻

顧瑛

玉山名勝集仲瑛嘗於東城菴假山廢基得一

石上有蘇子瞻題識石理瑩潤類璧雖傍缺損然尚

奇甚博士柯敬仲見而奇之再拜題名而去字曰拜

石御史白野達雅善爲作古篆書之後仲瑛偶得子

瞻答維揚王忠玉提刑飲快哉亭帖與石上題識相合仲瑛謂此石卽忠玉家快哉亭物也特不知何以

至此仲瑛遂爲記其事備朱伯盛刻之他石而與河
南陸仁汝南袁華各爲詩詠之

送印月潭歸穹窿山

春草徧南陌春潮流落紅美人婁水上一舸逐東風一舸向
何處言歸故山去雉鳴苦竹岡離情黯煙樹故山穹窿高插
空重湖倒浸金芙蓉縹渺寶樓林壑中晴嵐暖靄霏簾櫳三
年不蹋虎谿路夢禮大士青蓮宮風景旣不殊山川宛如昨
爲問鳴夷舟何似支硎鶴安得相從訪二公醉躡丹梯倚寥
廓山崖乳竇蘭芷芳臨谿采擷煩寄將相思引領天一方載
歌招隱爲報章重來握手成大笑楊柳花飛春筍長

送友人興化衛幕

六月入閩關榕陰夾道涼鷓鴣飛鳴苦竹岡一重一崦山蒼

蒼雲山蒼蒼馬前起南往莆田尙千里乾魚望祭武夷君考
亭肅謁朱夫子九仙委蛇海上來挾以烏石何巍哉默黎久
沐常袞化野花自發閩王臺候吏立江滸小隊前負弩高城
屹屹擁儲胥大府潭潭列貔虎稅駕趨蓮幕考籍閱我師時
平簡書靜覽古還峨詩端明古遺直夾際富著述子孫雖爲
庶遺跡猶可覓亦有謾法之善神竊弄威柄痛生民忠邪同
歸一坏士耿耿信史書奸臣送君莆田去興懷歌短歌登高
儻有賦馳寄莫蹉跎

文湖州墨竹蘇文忠公題其上

清貧太守石室翁潤川千畝藏胸中理閒祇筆盤礴羸兀起
鵠落無留蹤兩梢晴葉各殊態揮灑位置分纖穠鍾峰隱居

撥鎧法氣韻生動將無同墨君一派來自東穀材當攀彭城
公平生知已最親厚走書嘲戲言睿容陳州官舍示長舌談
笑化去當元豐烏乎二老不復作空瞻遺墨翻鸞龍

夜泊澱山湖有懷錢崖先生

鼓楫淞上游落颿三泖洲對月耿不寐懷人殊未休征鴻唳
沙磧微風生枕樓澱山青一點龍氣落船頭

送于彥成歸越中

楓橋明積雪曉發剡溪舟獨鶴橫江去三山接海流緣尊傾
乳酒白髮映霜漚天姥雲門路曾同上番遊

秋江釣艇圖

我昔繫纜桑落洲好山無數當船頭大孤絕立小孤險江水

遠兼湖水流扁舟老叟釣斜日斷崖古木含清秋草堂撫卷重感慨滿眼風塵懷舊游

岳季堅王叔明梧竹堂同集時季堅將歸黃鶴山長日園池水竹陰臨深展席酒同斟花開蒼筍五月雪果熟枇杷萬樹金未覺山王稱曠達更憑顧陸寫蕭森獨憐黃鶴歸耕者詩酒何時再盍簪

顧玉山新成釣月磯軒

荷蓀行歌與世違鶴歸城郭是耶非種桃道士玄都觀汎月仙人采石磯大野龍蛇方起陸青冥鵠鵠自高飛軒前一架薔薇樹猶放疎花向落暉

林泉民爲張賦

鹿豕同游說野情一屢願受作編氓窮幽擬草愚谿記養拙
甘從甫里耕春澗蕨拳和露采秋林木耳帶霜烹淮南有客
歌招隱莫遣兒童識姓名

憶昨二首

交友如雲海內多豈因謗訕竟蹉跎未思張翰尊鱸鮆俄動
田橫薤露歌萬卷空留遺一子千金散盡買雙娥柳洲東畔
無情月還照芙蓉蘸碧波

湧金門外昔曾遊落日淒涼燕子樓紅粉不隨黃土化清歌
還爲彩雲留愁褰簾幙雞聲曉夢隔湖江雁影秋淚落神山
一抔土忍將麥飯洒松楸

小柳詞

半臂蘆花白中單杏子紅惱公何限思春水畫橋東

客吳興春日偶成

雙眉刷翠小紅娘斗酒梨花爲洗粧一曲纏頭不知數揚州

城內善和坊

柳塘春軒口占

快雨時晴暖向微小亭簾幕護春暉麌塵波動見雛出金縷
條長燕子歸

湖州竹枝詞

漚波春漲膩如油坐看青山船倒流桃花欲開杏花落打鼓
吹笛上杭州

口占

漠漠輕風雨乍收方塘水生不膠舟慈烏將子避人去返照
正在柳梢頭

西湖口占次顧仲瑛韻

乳燕初飛藕作花秋娘二八髻雙丫臂羈紅露珍珠絡疑是
錢塘舊內家

西湖竹枝辭

山上有水未還家日日望斷金犧車湖陰種得宜男草直待
郎歸始作花

雲林筠石春樹圖

樹影離離岸草青汀雲漠漠遠山橫輕舟明日松陵路遙
仙人醉玉罍

徐達左三首

達左字良夫吳縣人洪武初用薦爲建甯訓導有耕
漁集

劉鳳續吳錄徐達左詩在張徐間亦相與善其與盧
熊游鄧尉山也有鉢安仲文楊本潔和王謐之常者
各賦詩才亦相埒
田按元季吳中好客者稱崑山顧仲瑛無錫倪元鎮
吳縣徐良夫鼎峙二百里間海內賢士大夫聞風景
附一時高人勝流佚民遺老遷客寓公鎬衣黃冠與
于斯文者靡不望三家以爲歸良夫輯二十年友朋
往來之詩文爲金蘭集三卷梓於洪武乙卯歲久失
傳宋收仲摭吳隸重刻以元本不可得而止良夫裔
孫友竹以其家藏鈔本重刻於乾隆庚辰元季明初
罕見之作賴之以傳良夫當時爲風雅所歸可稱好
事至今仲瑛元其八音之而良夫或不盡知也詩詩
綜不錄良夫一書未存其餘集余爲採掇其頴出者數
篇以爲好事之計六

復遊銅井山分韻得驛字

杖策循山阿峰迴溪路僻琴書左右隨舒懷揭泉石風吹落
梅英雪委古苔迹羣蜂採餘香來往若馳驛覽物際良辰幸
得陪三益

題秀野軒圖

春風十里翡翠屏玉遮對峙蛾眉青清泉白石雜花竹天放
畫圓鍾地靈高人開軒當此景酌酒賦詩白日靜四檐風作
翠濤聲八窗簾捲晴霞影我亦托迹耕漁間結屋讀書湖上
山抱琴訪子從茲始布韞青鞋相往還

次韻

悠悠雲水客共喜出塵氛黃卷知君醉清風許我分閉門聽
過雨倚杖看浮雲大雅遺音遠長歌屈宋文

周南四首

南一名南老子正道吳人元季江浙行省照磨明初徵詣太常議禮禮成發臨安居住放還有姑蘇雜詠

拙逸齋稿

西湖竹枝集周正道才性清曠刻意讀書所交皆一時名公卿其爲詩文尤有法度

田按明初高季廸有姑蘇雜詠王仲光有吳下古跡詩周正道亦有姑蘇雜詠陸子餘跋季廸詩後謂正道於季廸頗肆詆訾可謂不自量然正道嘗與楊鐵崖倪元鎮諸人遊稱爲好事元鎮每入城訪正道必先使人投刺正道禮遇特厚凡燕室桂廬之間先洗滌然後延坐故元鎮常主其家爲作著色山水李竹懶常見之訖爲雲嵐霞靄尤極鮮麗所寫松皆枯毫渴筆就意爲之而天趣溢出正道題云雲林小景着色者少晉客寒齋閒作一二觀其繪染深得古法殊不易也元鎮畫江南人家以有無爲清俗若著色山水尤百不得一二也正道詩牧齋評爲庸劣詆訾皆過甚余雖錄數詩亦殊不隨惡趣也

香水溪

吳宮香水溪俗傳脂粉塘焌波浮漲膩清渚泛紅芳美人曾
此浴魂消水猶香可憐清冷泉照此妖冶粧只今開寶林曹
溪源更長

吳宮怨一章錄似良夫

閨閣城上春冥冥館娃宮闕飛雲甍翠簾籠陰白日靜雕欄
卧雨蒼苔生鴟夷一去誰能逐吳娃猶唱吳宮曲爭如事主
不盡年于今夜夜颯燈前

暮春有感寄良夫

竹抽新筍過苔牋濃綠陰陰暗柳塘應恨東風最狼藉吹殘
春色惱人腸

西湖竹枝詞

採菱女兒新樣妝瓜皮船小水中央郎心只如菱刺短妾情
謾比藕絲長

林大同 一首

太同字逢吉常熟人洪武中爲開封訓導有文集九
卷

石室

虛巖宛如室空洞神懶宅旣非巨靈剖何勞五丁鑿閉門鎖
薜蘿寒煙縈翠幕疑通少室山或與紅塵隔具瞻回廣廈生
民誠可託大庇安如山何愁風雨作

殷奎 五首

奎字孝章一字孝伯嵐山人洪武初以薦除咸陽教

諭門人私謚文懿先生有強齋集十卷

四庫總目元明之間承先儒篤實之餘風乘開國渾樸之初運宋末江湖積習門戶流波湔除已盡故發爲文章雖不以華美爲工而訓詞爾雅亦頗有經籍之光如殷奎等在當時不以詞翰名而行矩言規學有根柢要不失爲儒者之言視後來雕章繪句乃有逕庭之別矣姑蘇志殷奎文章精審有法尤深於性理勤於纂述所著有道學統緒圖家祭儀嵐山志咸陽志關中名勝集陝西圖經其曲叢稿支離藁渭城庶語田按孝章以薦試高等將授郡縣職母老請近地忤旨除咸陽教諭其之官也王常宗贈以序高季迪秦文仲方明敏袁子英各有贈詩季迪詩云獨抱遺經出董帷秋風匹騎入關遲川儒幸際千年會造士欣爲一縣師鴻雁雲低秦壘角牛羊草沒漢陵碑宦遊跋涉勞三千里外朔風號地連渭水仲詩云西上長安莫南太華高故國總消龍虎氣縹斷碑猶打駱駢膏一官笑儒林選曾攀琅函覲赭袍明敏詩云博才名

成書太棄化老嘉老
勝處手辟設在逐敵峙息
雅阿茲遐何朝三諸龍河愁天知嘶
音瑛遊觀郵盤餘生飛看聽高懸風
玉寶笏不苜萬獲太孤驛鴻白騎
山壯壯寄藉卷後華柱鼓
雅哉頽梅堆該陪來栽虎
集丈壞五樹尊獻碑亭川牢
西夫基陵萱王明芹矜猶悲秋依
遊覽古志草兀母護豆好固骨
諸肯斷八援抑舍浴殿物
作情使寸長荒檠提渠崇
韻不擢苔迴孩魁罍
廣孝異選寒五樹傳
亦章域勝弟樹傳遺爭
是曾多筇能舉先關
琅與雀扶調比經高烟
車

渭陵

炎精八葉已中衰
千載荒陵竟屬誰
寢殿有垣悲躑躅
苑門無地覓累累
禪開沙麓溝中絕
禍變增墀土未夷
飄颻涼風吹客鬢
不堪興感立多時

長陵曉望

馬上東風生曉寒
長陵高處望長安
邱墟散落人才盡
岡阨分崩王氣殘
歲祀幾朝修典制
月遊無廟著衣冠
山河百戰誰能主
卻屬漁翁一釣竿

顧仲瑛淡香亭

淡香亭外花無數
盡說清明似洛中
西郭愛看千樹雪
東闌生怕五更風
何郎酒怯春羅薄
荀令香薰霧縠空
吹遍內園

國朝詩系卷之二十一

天上曲坐深清夜月朦朧

打碑二首

沁州碑石漢陵旁地下玄龜殼也藏莫怪廢塗成久立書家
知是郭謙光

流碑亭石何年破立馬鎬名幾字存契苾墳前崖子上家雞
筆法尙堪論

呂旭二首

旭字德昭歙人洪武初舉明經授本府訓導遷延長
教諭有東籬吟稿

題休邑程士原率演亭

仙翁亭子今何在青檣憐君復舊樞晴日濛波鬼對浴涼風

吹樹鳥相呼溪毛落雨青絲長石髮凝煙翠錦鋪綏策何時
從幽討卿箇莫惜杖頭沾

卽事

怪柳類人懸怒瘞好花笑客逞矯容小橋路轉清溪曲水滿
山槽碓自春

朱昇一首

昇字彥升無錫人洪武初舉明經任本縣訓導遷上

虞教諭

送人之安陸從軍

失意就戎行山行去路長野雲低古郢梅雨暗清湘孤劍流
飛電雙旌捲夕陽軍門發慷慨不是歎離鄉

周后一首

居字公明吉安人洪武初以薦爲訓導有溪園集

琴清軒

橋西樂幽遯虛室絕瀟洒有美軒中人抱沖志玄雅朱絃紐枯桐一曲美清夜風泉響初定竹露浩如瀉鶴唳碧雲端
吟秋月下古來山水操孰是知音者

陳燧

一首

燧字民初永嘉人元末福建行省員外郎明初授廣州訓導

別景大

力疾微吟苜蓿盤忽聞君已駕征鞍江湖千里去來易故舊

一樽離別難荒草馬蹏山色遠古藤松館暮陰寒錢塘風物
歸吟稿須寄山翁洗眼看

蕭岐一首

岐字尙仁泰和人明初以賢良徵爲潭府左長史因
辭謫楚雄教授改平涼訓導有正固先生集

樵舍

樵舍臨江滸人家水遠隄葦籬道徑小茅屋接檐低稅重魚
難得情深酒自撫維舟風色好留滯夕陽西

李唐

一首

唐字士宏東陽人明初金華教授有靜學齋尙納齋

集

簡友

一上吳窩百尺臺，畫溪翠峴繡如堆。庭虛只放松風度，簾靜不妨花日來。林鳥近窺黃卷語，野航輕載白雲迴。歸輶儻與山人共紅葉，秋深正掩苔。

何彥修 一首

彥修名勛以字行新喻人洪武初國子監生授東萊教官

題喻元凱清隱堂

秀水東邊結構幽，林巒瀟灑勝滄洲。花晨簾捲青山曙，月夕琴橫碧澗秋。賀監每懷湖曲隱，杜陵常愛渼陂遊。交情獨負過從約，開卷題詩愧白頭。

陳謨 一首

謨字秉文上虞人洪武中鎮江教官

魏仲遠竹深軒

竹近疑居僻林深覺路賒撲簾蒼雪墜排戶碧雲遮雨過琅玕潤風翻翡翠斜秋深喧鳥雀月色動龍蛇每拄仙人杖頻留逸士車主人今不見令我起長嗟

夏睦 一首

睦字孚中上虞人洪武中上虞訓導

賦夏蓋湖送薛將軍

大禹峰前蓋湖水三十六溝春正深桃花逐浪漲晴碧楊柳拂隄生晝陰臨流飲馬壯士志坐石觀魚幽客心不堪歸棹

入城府迴首暮雲凝碧岑

張庸

一首

庸字熙載江陰人洪武中舉明經授本縣訓導

秋水繫舟圖

小姑山到彭郎磯老樹含風霜葉飛何人泊舟秋色裏釣得鱸魚三尺肥

俞韶美

一首

韶美字樵雲休甯人洪武中舉明經授夥縣訓導

和李大尹韻

積雨瀰漫漲遠天客窗惟覺恨綿綿已添野色供春望更漲灘聲攢夜眠繞屋斷雲常黯黯投林歸鳥自翩翩漁郎罷釣

纔相過爲報新潮到石田

王嘏

一首

嘏字伯純揚州人松江府學訓導

寄倪元鎮

赤水丹山隔兩塵
麻姑書信莫辭頻
久知鴻寶飛騰術
獨許青雲磊落人
竚戲能消春晝永
茗香聊試石泉新
東風回首昆陵道
重擬搆書與卜隣

周所立

一首

所立字磐谷臨江人仕陳友諒洪武中官臨江教授

朱孟震續玉笥詩談鄱湖之戰資治通紀等書皆以爲郭興建火攻之策遂獲全勝偶視他載記謂僞漢以火舟來攻而天忽反風敵舟悉自焚焉此殆有天助者予初不謂然及觀鄉先達周所立先生康浪山

歌載而下知聖明之興固天所命大風揚沙實基漢業于北風反火輒自焚焦頭爛額沈波裏奄忽灰飛水上

軍周先生國初人所聞當不謬也

葉廷璫波漁話虞山許伯穾丈廷誥出示舊作唐

碑廟在今饒州府餘干縣治鄱陽湖濱廟庭立明初二

曰歲在癸未長無紀律然敘鄱湖之戰視他書較詳其界

湖乘風縱火燄漲天領軍丁普郎以下三十五人突厥

身戰被焚死帝怒跳岸爲敵所竊飛矢如雨得大槐蔽

中至後最友仁友貴偕薨友諒欲退保鞋山至靴子口

亦授大將軍號云拔三十大人皆將軍立廟康郎山

火及帝蹤岸故稱之蓋實錄韓公兵敗故史亦略之矣

武翁廟碑可補史文之間余政刺史立人朋官教授竹垞列入外臣義以求

補史闕於通仕藉之次與詹同文等同詩甚有足之矣

補錄鷗波漁話述鄱陽之戰所立廟碑一歌足明

哭定住

綠錦池頭舊史君，近傳消息不堪聞。
的盧竟死檀溪險，鸚鵡翻成鄒土墳。
蒿葉蕭條生夜月，棠陰迢遞起秋雲。
陳琳老大頭如雪，無復軍前草檄文。

林伯璟

一首

伯璟字懷之，閩縣人。洪武中鄉貢爲郡學訓導，有友

漁集

爲張文初題畫贈治公

禪翁安禪不出山，畫史爲畫山。中閒寒月高懸碧，蘿幌曉雪深。
護青松，闢寶地，樂聲聞澗底。梵天香氣識，林端定回廻。
猿叫斷食邊，絕巘鳥飛還。蓋頭把茆亦自好，棲身十笏何其

煩貢休能詩訪宇內文暢得序傳人間新圖摩挲重歎息舊徑芳鬢窮躋攀聽師揮麈說善果使我拂塵辭塵寰

明詩紀事卷二十六

貴陽陳田輯

用誠

張著

著字則明浙江平陽人徙居常熟洪武庚戌舉人授
虜施知縣遷臨江同知有永嘉集十二卷

田按列朝詩集明詩綜稱則明永嘉人余藏永嘉集
十二卷首有處陵周築永嘉先生傳云則明自號永
嘉子人稱永嘉先生世居溫之平陽至正間遊學至
姑蘇之琴川兵梗弗克歸遂占籍焉牧齋竹垞蓋未
見斯集故誤稱永嘉人也則明知虜施以吏事見稱
公暇與同年金文徵黃廷玉唱和有長安唱和詩集
流傳於時永嘉一集雅健麗則諸體並工亦明初詩
家罕見之矣也

三川水漲金別駕用老杜韻題壁問余續其後

三川險隘地咫尺分水陸昔聞漲波濤奔騰來百谷杜陵野
老翁適見駭心目坐着吞兩崖形勢益窮蹙居民徙窟巢川
脈失委曲彭撞動雲根大石亂顛踣路沒隔農樵林暝竄鹿
鹿窟匪何深雄下流乃壅塞疏鑿無由施東趨苦不速巨浸
竟崇朝清源變汚瀆雷雨仍晦暝天地豈翻覆蛟龍相怒爭
觸嚼角尾禿窩祇胡意玩弗卽斡軸黔黎雜蛙鼴不得安
食宿翁時厄途窮遭此吞聲哭陽光未發舒陰翳正含蓄水
怪挾天吳鼓舞恣驕黷巨靈那有神是物盡拘束鍤石補漏
天立極斷鰲足寘區遂底甯舟馭罔騎蹠誰知一氣機周迴
有盈縮只今川水消曾不及牛腹我歌少陵詩思渺青冥鵠

過綏市

神仙王子晉昔師浮邱公揮劍斷親愛化形辭後宮金丹換
毛骨直上蓬萊峯一去苟泯迹無乃與死同所以騎白鶴歸
集維山東家人下盈闕吹笙五雲中迢迢千載後令人仰高
風我行經故墟感慨追遺蹤空餘埋劍冢石刻摧蒿蓬碧桃
如可醉脫屣遙相從

與李克敏陸子善分題雪井

乾元古懶宮迴出虞山半旭日開玄門飛霞集樓觀中有寒
碧甃下浸雲根斷寒泉出太陰轔轔轉雲漢時聞百尺聲偏
沃衆眞盟伊昔徐神翁始結猿鶴伴卓劍呼六丁鑿此石崖
畔翁乘白雲去千載付清飄至今渫不食使我發浩嘆乞君
馬上瓢急濟東海旱

繆使君之嘉興貳守賦去思詩分題得仙姑洞

六鼇頓與海神泣虞山嶺兀海西立六丁鑿翠深玲瓏三十
六天通出入冰簾壓雲蒼玉扉瑞階夜溼青琉璃洞房背立
玉筠庭東風吹冷芙蓉衣嵐靄月落蓬萊曉金雞夢斷西飛
鳥桃花一夜滿天台劉郎不歸春悄悄五雲閣西十二樓遠
山翠結天上愁美人娟娟何處所白蘋歌斷南湖洲相思相
見苦不早白石如康天地老

送碧泉石道士住持吳興玄妙觀

太湖三萬六千頃湖陰倒浸羣山影何人寢坐水晶宮日對
湖山適酣詠風流別駕如神仙樓居縹渺滾紫煙海虞仙侶
惜別久思往見之心悄悄山人苦留不肯住鶴背吹笙過湖

去領衣光曳五色雲綸巾倒挂三花樹候亦念君久不來琳
宮瑤席爲君開相逢一笑清虛境回首海上無蓬萊我今鑿
隨不可得酒醒山空重相憶明年三月定尋君洞口桃花春
一色

龍山歌送卜子敬之無錫幕長

九龍之山青如藍羣峯卓絕天西南十年秀色煙塵裏丹崖
翠壁空巘巒山中煮茶舊仙客茶煙久冷松下石雲根野火
焚斷碑誰埽蒼苔覓陳迹第二泉頭亭不孤亭上李紳讀書
之故廬松蘿煙雨翳燶戶林扉陰磴今有無城門西路平如
掌青鞋布韁足來往盡收邱壑入胸中更挹朝來氣蕭爽芙蓉
蓉幕下肯事間吳松素練開秋寒丹青點染分毫未爲我貌

出諸林巒西巒著高東巒小樓閣參差出林杪隔溪寫君吏
隱居相對茆堂青未了畫成好寄滄江漬使我見圖如見君
日日爲君歌白雲

江南曲

江南三月春水長葡萄濺醅春正香畫船載酒看春去船頭
驚起雙鴛鴦鴦雙飛過江去江花如雪接江樹吳姬歌斷
望欲迷不知今夜棲何處夜深酒醒江月寒憶君西塞何當
還春眉淡畫江南山

奉和金別駕見寄韻

谷口歸耕去吾慚鄭子真天涯愁獨客年老惜餘春塵土青
衫舊雲沙白髮新多情金別駕應是可憐人

次李克敏節判見寄韻

我識淮南李謫仙亂離相憶又經年樓船夜夢橫江去草閣
春寒聽雨眠看鏡自應悲白髮把杯誰與問青天多情昨夜
傳消息許寄新詩一百篇

次韻送彭貳令

三月祁連山下路客愁暫破少人知草經夜雨迴芽短花苦
春寒着蕊遲銀甃絡絲誰送酒玉箋揮墨自題詩相從不久
還相別明日思君意轉悲

呈李別駕

天門丹詔頒新澤同下襄陽取道來西北關山秦塞遠東南
煙浪楚帆開秋風白髮烏紗帽九日黃花綠酒杯此別憶君

滄海上五雲樓閣倚蓬萊

題陸子善所藏畫

千章綠樹濃欲暝萬壑頽雲溼不流昨夜溪南春雨過桃花無處覓漁舟

題折枝竹

鳳尾蕭蕭野露涼天風吹影落瀟湘玉簫聲斷秋如洗自埽閑雲過石床

題陸子善便面

蹇驢策策逐金鞍夾道松陰白日寒誰向輞川煙雨外盡將情思寫霜紈

題挾彈圖

錦袍白馬照青莎
手撚金丸意若何
莫把流鶯驚起去
江南春樹苦無多

春江回棹送澗江宣使鄧和卿

飛花冉冉柳毵毵
歌斷沙頭酒半酣
明日倚篷煙雨外
青山多在澗江南

出延安南關

向年躍馬入南關
策策羸驂此日還
行過江南莫回首
寒雲深處萬重山

甘泉縣

甘泉道傍客舍低
甘泉城下行人稀
蹇驥華髮烏延客
獨在江南最後歸

過渭河

西來鳥鼠出咸陽東入黃河去渺茫流盡秦宮脂水氣餘波
猶蕩蕩鶯鶯爲

過鵝嶺關

紳氏山東擁翠屏石門天削倚蒼冥崧陽明日重回首三十
六年雲外青

發南康

五老峯前宿雨晴青天彫落碧波明孤帆趁得西風便扁舟在
江山畫裏行

陳伯康

八首

伯康字仲進長樂人洪武中授宜陽丞改韓城遷江

山知縣有南雅集

田按仲進知江山縣有循聲與弟仲完均以詩名仲進詩尤清勁

登三水釣鼈臺

高哉釣鼈臺桀立幾百尺秋風一登臨浩蕩望不極吾聞蘇老澗乃是任公匹投竿江海濱長嘯穹宇卷古篆今毒苔佳句餘金石歲月驚逝波山川付陳迹牧童暮敲火樵子曉吹笛杖藜重夷猶把酒緬疇昔商歌振雲林天空露華白

秋江送別圖

江河望在眼關山渺難越客子遲歸期孤櫂已先發天秋木葉丹露夕芳草歇美人勞我思迢迢煙水澗

寄遜齋陳景明兼東園陳景獻

君家古清友携共阿戎遊遠道隔千里別懷長九秋故交如
夢覺往事付雲浮最憶東園老相思成白頭

遊湧泉寺訪僧不值

萬石岡頭紫翠圍白雲流水護柴扉石爐火冷僧初定野徑
苔荒客到稀邊砌山泉浮漱澑隔江雲樹入霏微我來豈是
參禪者笑倚長松看鶴飛

過嘉興嘉禾驛

秀州城下水平河桑繞長隄麥覆坡義士不聞傳檇李居人
猶見食嘉禾且須鸚鵡杯中物莫逐鴛鴦湖上波一笑吳歛
挂帆去滿天風雪奈儂何

立夏喜晴

賸雨殘春送五更
晴光入夏似相迎
綠槐門巷南薰細
又聽新蟬第一聲

重過草亭

池上柳枝新種得
絲絲金縷曳春暉
樂天老去風流減
懶看飛花上舞衣

過洛陽

甲馬營中紫氣消
銅駿巷陌草蕭蕭
何人共看天津月
杜宇無聲夜寂寥

劉驥一首

駢字宗道龍谿人洪武十五年以秀才徵試第一拜
都御史後坐事徙滇有愛禮先生集十卷

梁草鉅東南嶠外詩話劉宗道自號悔悟子愛禮集中有澄心一絕云一鑑方塘本自明無端潢潦聽縱橫日來惟賴投醪力坐見寒光徹底清置之南宋諸儒集中幾無以辨

題張林遊逸圖

雲兮深深林兮陰陰彼君子兮以遊以吟坐以澄心行以攜琴誰與談兮傷古嗟今

鄭沂一首

沂字叔魯浦江人洪武末以人材徵授禮部尙書

題畫圖

杜陵西上浣花莊茅屋低低怪石傍最是可人三月節一山

風雨茯苓香

李勝原一首

勝原字源澤富塗人有盤谷遺稿

田按盤谷稿著錄於明史藝文志罕見傳本余從曹石倉歷代詩選錄詩一首如隔竹聞飛瀑隨風看落花野色帶煙迷雁渚鷺聲搖月出龍灣亦佳句也

寶應卽景

宿鶩眠鷗水滿田敗荷疏柳雨晴天
帘招村市誰家酒風送帆檣何處
船隔岸數聲牛背笛斜陽一秣渡頭
煙滄洲風景那須畫著我居閒樂事便

王時保

一首

時保字雪軒樂安人洪武中以薦歷刑部主事謫雲南尋召還除本縣教諭有天涯芳草集

湖口縣

青山一簇幾人家簾捲湖光日未斜好是客船來泊處一行
官柳暗平沙

鄒說

一首

說字習之新淦人有竹莊集

因按習之詩見查夏重西江志不詳其出處有和曾得之侍郎喜兩詩蓋明初人也詩格老成選家均未之錄亟補之

述何恩恭歸高安

憶昔州城繁盛日雕楹繡戶絢金碧買地爭移洛苑花分貲更致平泉石青春冠蓋會雲萍過鐘考鼓紛相迎蒙士居間推郭解貴遊虛左禮侯贏芳年意氣稱賢掾千金一諾同高宴醉後從教吐鉗茵詩成乞與題歌扇風塵回首豈堪論臺

沒池涇不復存抔土何曾收俠骨一尊誰與酬英魂甘載閭
關幾人在逆旅重逢增感慨夜雨偏令白髮生秋風解使朱
顏改明朝買棹湄湘濱布衣歸卧錦江雲爲言莫狎煙波客
恐有羊裘垂釣人

富禮二首

禮洪武中廣西按察僉事

藤江諸勝二首

峽口漲晴嵐秀色渥如赭天寒山鳥啼月白林猿下仙人讀
書臺石磴哀湍瀉

江流島嶼孤亭亭聳高髻螺堆晚煙濃翠滑春雲細徘徊顧
清影澄江去無際

明詩紀事卷二十七

貴陽陳田輯

用誠

劉璵 七首

璵字孟藻青田人誠意伯基子洪武中授考功監丞試監察御史出爲江西參政爲胡惟庸所脅墮井死有自怡集一卷

四庫總目劉璵自怡集五言古體詞旨高雅運思深摯殆於駕兩宋而上之以繼黎眉諸集可謂不愧其父而明人罕稱道之者殆轉以勸闥掩蛇
用按潛溪有仲珩黎眉有孟藻眞不愧王謝家兒仲珩集不傳自怡集得表章於四庫宏開之日幸矣

遺興 三首

綠鳧水中遊白鶴雲間飛霄漢有修程焉能顧卑微浩蕩展羽翰崑邱以爲期鵬鷗趨下風屬羅絕張施倏忽萬里餘搖頽不知歸空林有故巢繁霜日霏霏孤雌哺黃口啁哳將轉依豈如戲蘋藻雙栖在漣漪

希仙屏紛雜遺榮處幽閑靈玄固重局鼎爐合神丹瀝露以爲漿青松以爲餐道積時亦久丰姿變蒼顏玄功一朝成飄然出塵寰螭龍將輶車鸞鶴承珮環傲睨太霞表望望不可攀仙山有眞藥何用思人間

食肉有不甘茹荼乃如齊駒馬抱隱憂韋布顏無泚寸丹旣融通萬里諒昭洗衰榮各有定何必榮爾爾挑燈讀我書文字浩無涘白首窮一經得祿未足喜捨已以從人閭廬任荆

杞憂思不成眠歎息增徙倚

秋日旅懷

秋氣生白虹秋聲入高樹離離星漢明杳杳孤鳥度夜坐不覺久逍遙散余步鬢毛動淒風羅裳怯零露寒陰日已漫芳歲聿云暮瞻言思我鄉誰與將尺素

白楊河

白楊河下春水碧白楊河邊多估客東風二月柳條新卻念行人千里隔岸上居人纔數家茅茨深處見桃花小婦河邊汲新水老翁門外看籬鴉桑苗未青麥苗綠牛羊散落村墟牧行客年年往往來居人自住楊河曲

自武林至丁郭舟中雜興

重到昔遊地
茫然感去途
高原深蔓草
沃野浸平湖
水濶蛟蚪橫山空
鳥雀呼淒涼
今古意落日片帆孤

錢塘遺懷

江風吹浪雨冥冥
雲暗春山霧壓城
箭鏃不隨錢氏化
黍苗還向宋陵生
海門潮蹙千年恨
漁浦帆開萬里情
昔日繁華總殂謝
蒼茫流水亂蛙鳴

郭鉉

二首

鉉字景南濠人營國公英子

田接營國子孫最名風雅景南詩清邇絕俗紈綺中
乃有如此標致

對雨有懷方內翰

小齋頗幽僻
窗扉亦宏敞
新槐檣上綠
細草階下長
輕紈散

煩溽草葛生清爽寂無人事喧但愛雨聲響涼颸蕭瑟動薄靄生莽蒼緬思同心人吟懷共清賞

期胡祭酒不至

空齋坐日夕有懷期不來庭樹葉頻下閑門風自開朱絲靜逸響綠蟻浮深杯幽思益墳積悵然難獨裁

王澤

六首

澤字叔潤天台人僑寓山陰洪武中官華亭縣丞有青霞集

列朝詩集叔潤嘗爲華亭縣丞全室泐公有送王叔潤詩云平涼來又去官滿復之官則叔潤任平涼非松華亭

趙松雪八駿圖

趙家王孫擅好書更復畫馬如江都督從玉堂罷春直憒寫天馬隨監奴馬來西宛龍八尺勢或怒驚如鶴立似疑初浴榮河波身上龍紋五花溼王孫寫駿不寫形運思已入天機精都將臨池古書法落筆一埽千人驚今逢此圖乃八疋老我見之唯歎息人間駿馬漫紛紅天上龍文誰購得憶昨八駿登瑤池崑崙萬里天西陲風行電邁景恍惚翠蕤不動天王旗古來八駿雖已矣房星在天還不死雄姿伏櫪世豈無胡乃惟稱穆天子

姑蘇感事二首

百二河山已失局孤城獨戰血腥腥蕉鹿在甯非夢篝火狐鳴竟不靈旣與群雄爭帝鼎忍隨降虜到皇廷致身早得

歸麟閣應共長驅下建飯

天星夜落水犀軍又見吳宮走鹿群碑睨金湯徒自固倉皇
玉石竟俱焚將軍只合田橫死國士甯無豫讓存風雨明年
寒食節麥孟誰上太妃墳

歸田詩話吳元年國兵圍姑蘇臨危張士誠聚其族
齊雲樓舉火焚之縊不死就擒王叔閭有詩哀之先
伯亦有絕句云虎鬥龍爭既不能雞鳴狗盜亦何曾
陳平韓信皆歸漢只欠彭城老范增蓋張氏據有浙
西富饒地而好養士凡不得志於前元者爭趨附之
美官豐祿富貴赫然有爲北樂府譏之云阜羅辯兒
緊札梢頭戴方巾帽穿領闊袖衫坐箇四人轎又是
張吳王米蟲兒來到了及城破無一人死難者武夫
健將惟束手賣降而已詩意有所謂也

田按江南歲烽煙起海上年年御酒來如此烽煙
如是作也一陣東風一陣寒芭蕉長過石關干只消幾
箇罷當醉看得春光到牡丹此張光弼策張士誠必
敗而作也士誠滅後姑蘇感事之作叔潤二詩最爲

向青都山堂人口杜東原耕餘錄姜明
危臺首青樓俄縱火十年高鴻漫藏金廢興
集外紀瞿宗吉歸田詩話皆紀之余檢高季
邱陵猶下垂楊柳曾爲張王譏禁城今日淡煙芳草
有舊詩云始蘇州詩云姑蘇暮草裏暮草
昔安猷作管絃聲滿地寒風滿面塵荒煙白草舊通津
雲中成敗由天衆所知烏江拔劍更何疑誰言碧海
驅蛟手也學臨春井不知謝子蘭廳集稿有淮夷篇
刺史云大邦淵河西吳郡稱第一淮夷著柘黃來作
驅狼虎一闋杜鵑聲在碧海

壁奈何圍數重樓櫓比如櫛砲車拂雲漢晝夜飛
憲寵弟旣薰粉左右皆股栗短兵屢相接苗貔與
力南濠百花洲流血盡赤闌關甫期月人而多
色蔬茹猶八珍骸骨爨下析衆叛已不知豕突猶親
滅縛虎送臺城咆哮氣方息嗟哉爾淮夷亡命起倉
猝衡行十五載貴富亦已極雕牆底滅亡斯理信弗
忒胡若思姑蘇詩云姑蘇城郭水茫茫往事流傳過
客傷夜月人歌黃菜葉秋風夢繞白駒揚火中鳥
歸真主井底蛙猶笑子陽天下車書今混一繁華終
古勝維揚又六硯齋三筆有周公謹追悼張氏詩云
長淮千里陣雲平萬騎郊原決死生不信玉堂春醉
醒倚闌晴日喚流鶯假月堂高巖紫煙夜闌笙火正
薰天如何斥地連吳楚葬骨都無半墮田剏三吾姑
蘇詩別見十二卷六卷

高宗所書絹素杜詩

江頭宮殿日遲遲朝退千官默坐時春盡龍沙無雁過書織
只寫少陵詩

李太白小像

春殿龍香試綵毫詩成奪得錦龍袍歸來笑擁如花妓臥看
薔薇月上高

題畫

茂陵帝子好神仙別起高樓入半天望斷巢笙空外下海山
珠樹沒秋煙

王句

一首

旬字子宣

宮詞

南風吹斷采蓮歌夜雨新添太液波水殿雲廊三十六不知
何處晚涼多

晚涼一作月明

七修類聚國初王句作宮詞仁和解元俞友仁見而

悅曰此其得意句遂以妹妻之此與宋趙德麟二十

八字詩句事意俱同也

靜志居詩話高季廸以詩得妻王子宣亦以詩得妻

子宣宮詞諸家多誤作王叔明詩考凌彥翀柘軒集

有悼王叔明室張氏詩云結髮爲夫婦齊眉若主賓
山同黃鶴隱書遇彩鸞眞蘭樹人皆羨蘋蘩爾獨親
情傷坦腹者臨穴重沾巾則叔明娶於張非俞也故
定以爲子宣作

戈鎬二首

鎬字仲京鎮江人洪武初徵授禮部主事有鳳臺集
田按仲京詩濃綠中有清氣與專事塗澤者自別

綠水詞

紅船壓秋綠水澁藕根香昨夜龍沙月鴛鴦夢薄霜秋
彎掃蛾翠生色染絲黃爲報潯陽客行雲不下堂

寄劉彥炳

征旆遙分苑路西，馬蹶春去弋陽溪。
相思欲和烏鵲曲，一拂瑤弦意總迷。

俞貞木 六首

貞木初名楨，以字行。更字有立。吳人洪武初以薦知樂昌縣。改都昌。有立齋集。

姑蘇志：貞木爲人清苦敦行古道，作官務崇禮化。有古循吏風。晚歲益勸清節，或炊爨不繼，未嘗有所于。請人力贍之。郡守姚善延以訓子爲鄉人所誣，逮詣京師。不。田按：貞木有集，朱竹垞嘗見之於王山人胡書齋後，訖之藏。書家不復得。余從席拜湖山靈秀集錄詩六首，風骨高秀，起然埃壘之表。正與雅道清標互相映發。

題畫二首

澄江積雨鬱蒼茫澹秋色蒹葭映洲渚煙消水光白漁舟日夕歸卻載幅巾客扣舷歌滄浪月上楚天碧

青山映嘉木煙光涵碧虛偶來憩石上綠陰落衣裾流水屢曲折飛雲還卷舒凝望不可極佳趣與道俱

寓包山精舍

精舍包山側綠厓曲路微到池雲弄影入戶月流輝煙靄青蘿屋山圍白板扉松杉寒愈秀猿鳥靜相依境勝忻神適情忘與世違莫爲簪紱累期與爾同歸

太常高先生與僕別久矣音問不通者餘三十年喜聞還朝入翰林升太常身登青雲每垂念故舊觀其贈孟敷之什眷眷而不相棄雅度如此可得乎孟敷俾

印譜卷二十一
余次韻喜公之情懷意氣勉用韻以寫我心

太常列仙侶職優遂初心置身清切地思遠豁塵襟相違三十載媿我雪盈簪雲泥渺相望一升復一沈自憐老疾并昏眊非所任林卧咏太平時時自哦吟賴有同里士乘閒每過臨

送顏新民之京師

好雨初晴春水生江邊送客上神京沙鷗白白迎人去官柳青青拂棹輕離燭已殘猶惜別深杯欲盡若爲情此行若寄平安字竚聽重沾雨露恩

題倪雲林畫

栖神山下玄元館華表巍然鶴未歸寂寂小亭人不見夕陽

雲影共依依

薛倫一首

倫字叔道如皋人洪武中舉賢良方正除萬安縣丞

有詩文集十卷

靜軒夜坐

寒路下高空夜氣森漠漭犬吠一村靜蟲鳴四壁響美人殊
不來明月秋林上

朱熙一首

熙松江華亭人明初廣西行省郎中

松江府志朱熙以詩名爲玉峰顧仲瑛社長

玉山草堂

玉山主人清且妍標格噭噭人中仙對花時復得詩句愛客
每能揮酒錢寒燈巢雪歌煖響春水桃源放盢船我將載酒
卽相覓與爾醉倒薰風前

李伯農 一首

伯震德慶人靖江相質子洪武初舉懷才抱德科授
容縣知縣改知大興遷光祿寺丞有巢翠集

田按李文彬弟文昭子伯震皆能詩世稱三李伯農
月夜過湖云大姑羅襪江花綉五老香爐石鼎寒亦
佳句也

竹鳥小景

蒼龍垂雨影繚邈鳳尾參差溼翠嵐憶昔黃陵洞下路鳥啼
三月過湖南

徐濟 三首

濟字彥威吳人洪武中以薦知邵武府改興化降開

封同知有樂餘集

田按彥威徐良夫之姪自號樵蘇子好事亞於良夫
棄官後畜鶴二鹿一燕坐則鶴舞其前徐步則鹿從
其後人望之若仙然乾隆中覆刻良夫金蘭集并輯
其家世投贈之作爲金蘭續集彥威作亦附焉詩
較良夫差工

拙齋

生平厭機巧一拙能獨守雲山屋西東桑柘屋前後略似愚
溪愚還同柳州柳

題秀野軒圖

千巖萬壑中一徑磽西通塵跡無由到風光自不同竹侵書

幌綠花映酒樽紅若問桃源路無須覓舊蹤

自題寫蘭

二十五年春夢殘對花無語獨凭欄幽香素豔無人管讀罷離騷強自看

吳昊一首

昊字彥欽天台人洪武庚戌舉人官朔州衛知事

田按彥欽桐相一章係和徐大章作風格頗不相下
惜詩不多見

桐柏

平生看山愛桐柏有山如此爲名出九崇雙岡迢遞起秀色
可掬煙霞間樓閣崔嵬迴相向桃花洞門深不關芻惄一住
幾千載閱此日月雙轉環鶴背笙簫振寥廓遺音往往聞林

端西崖有井數百仞丹光靈彩浮朱陰昨夜長松發天籟似
驚龍聲珊珊蓬萊咫尺原易到獨愁蹤迹迷樵營此來暫
欲須大藥服之駐我將衰顏山中羽客吾宗秀相與携手超
塵寰竹房宴坐已半月笑歌頓覺忘憂難手招喬盈非不好
但恐泉石綠猶煙芝草琅玕隔雲圃小橋流水空潺湲摩讀
古碑視往事章殘字缺苔斑斑臨風徙倚獨回首惟見絕壁
青嶺屹武陵從來憩漁釣曼倩自足追仙班他年雙成有消息
吾其抱琴來往還

許敬軒

一首

敬軒字南湖天台人洪武中貢入太學官汀州知府
回雁圖

數聲嘹噵落滄洲驚起瀟湘一片秋莫向城頭高處唳思鄉
人倚夕陽樓

程袞一首

袞字祐之休甯人洪武中舉孝廉授樂靖主簿
謁族祖墓

名都山水冠東南山削瓊簪水浸藍亂後松楸曾有幾葬來
甲子已逾三苔封祕閣新題碣竹護空林舊結庵纖雨疏風
寒食節梨花如霰柳蔥鬯

程彌壽一首

彌壽字德堅祁門人明初從下江西有功授行樞密
分院都事有仁山遺藁

寄錢公濬

小樓獨倚聽潺湲林下陰濃白晝閒他日共君何處飲舉杯
相對九華山

王興一首

興字文啟黃巖人洪武初濟南經歷

松雪軒爲海昌尤帥賦

元戎高致愛林邱背郭臨江卜築幽青松繞屋作人立白雲
滿山如水流漫有琴樽來好客可無箇策伴清秋居官何似
居閒好我亦誅茅碧海頭

陳雷一首

雷字公聲嘉興人參軍秀民子洪武初薦授山西布

政司經歷有竊庵集

自城東復返感化舊居留別徐德厚

孤雲無定水悠悠又復攜書返舊邱
橡栗樹空猿狖叫夜蕭蕭
霜冷雁知秋懶梳白髮頻搔首笑對青山獨倚樓
暇日清遊可乘興到門題鳳亦風流

鄭洪

一首

洪字君舉永嘉人有集

周元初來鶴詩

綠章朝帝駕雲車白鶴從天下玉除赤壁已無身後夢丹邱
應有寄來書五鬢松陰秋落落三花樹影夜疏疏琴心三疊
蓬萊淺雨翼罌風響佩珮

林旅一首

旅字汝衆長樂人洪武中用薦爲兵部員外

遊雙澗菴

翠壁晴嵐曉氣澄臨川高閣白雲層天涯尊酒何人醉世外
名山此日登好鳥迎春偏勸客空林向晚不逢僧扁舟要覓
漁郎去誰道桃源隔武陵

明詩紀事卷二十八

貴陽陳田輯



李延興 二十七首

延興字繼本東安人占籍北平元進士授太常奉禮
兼翰林檢討洪武初屬典邑校有一山集九卷

靜志居詩話一山北方之學者其詩文頗拔俗長歌尤擅場洪武中雖未仕於朝集有與友人書云從東安丞李遂招致親夏楚事未幾逼爲訓導又有移教房山留別雄縣周尹詩又涑水縣學記云延興猥以攝其鄉學則其典邑校者屢矣故自贊畫像有云雖同乎今之人而以聖賢爲矩墨雖食夫今之祿而視軒冕猶泥塗然一出沙沙漠萬里河山盡開拓獲其名王歸四面凱聲將軍作功成獻俘蒲萄宮天清日白開鵠漢遙使樓煩

之壤化爲冠帶衍爲提封未免言之太盡無復一成

三戶秦離夢秀之思矣

四山

田按繼本詩詞雖磊砢風格老成有拔山蓋世之氣

明初北平詩家當以繼本爲開先詩綜錄繼本詩最

多四庫提要云朱彝尊明詩綜蒐羅最備獨未錄

一山集真山

四庫著錄以字行詩綜題其名偶不錄

檢耳

松下鼓琴圖

幽崖何蒼蒼長松在高岑月出屋東頭微雲生夕陰道人眉
宇靜松間調素琴商聲泛林莽流水爲知音我欲往聽之青
山白雲深

墨竹

近時海內稱畫竹息齋筆意何突兀蒼然寫此風露枝墨花
落紙秋萬斛怪處不減文湖州展玩晴窗醒心目竹邊巒石

更坡陀便似着身遊。嶰谷青谿過。雨山霧寒白。月出林煙水綠葛陂老。龍頭角秃夜噓雲氣黑。如沐白晝慘慄炎歎收。屐書宜趁清陰讀。我有竹林漢水西。兒時學種如種玉。春翠森森抽細筍。風碧娟娟散幽馥。有客清似王子猷。拄杖敲門往來熟。欲歸料理不可得。夢遶江村白沙曲。安得大絹長丈餘。請君爲我作橫幅。寫我只作六逸儔。掛在秋風江上之小樓。

黃崖寺

黃崖秀絕不可遺。山際飛雲如走馬。東來無此好雲林。況逢野衲同清話。茶煙侵午客題詩。松籟吹涼僧結夏。人間塵土誠汚人。何時息影禪林下。

度居庸

歲莫矣風淒淒車中行客胡不歸一車南一車北南來北去
何時息車行欲近關上頭鞭牛不前吁可愁須臾摧挽在平
地車中兒女歎且謳短褐蕭蕭風雪裏山徑荒寒多虎兕呼
兒取火供晚炊瓦鎗黍米和沙煮黃昏露宿官道邊茅店雞
鳴載行李殷勤起謝車中人萬嶺千山多苦辛嚴風吹霜皮
肉死一身只有筋骨存安得筋骨化爲山下土壤卻千山萬
山無險阻盡使行人免愁苦

福源精舍

京城六月日如火風軒散髮執書坐頓嫌城市多煩懶欲買
田廬何處可求几茶甌吹碧香有客敲扉偶相過爲言越中
好山水厥土膏腴不偏頗魏氏之子文貞孫玉樹臨風色蹉

瑾讀書洞水之東頭蒐今摭古以自課夏蓋湖光白湧雪福
祈山氣青浮座三江帆上暮天長八月潮平秋水大亭邊猶
猿長如人月黑林昏盜山果桃源人家疑此是洞口雲深晝
無瑣百壺滿醉江南春擊缶高歌兒子和西蜀少陵恒苦吟
南陽武侯尚高卧文貞昔在貞觀中大節堂堂不終挫好將
舊學佐朝堂行見英風振頑懦索居何日賦歸來盡理遺書
載船舸我昔耕牧峴山陽門前水田足粳糯十年道阻不可
歸江上秋風茅屋破舊栽松柏定成林石牕竹梢添幾箇向
來者舊安穩無每一思之淚交墮福源林壑儻見分卜鄰擬
住山之左客歸好語仲遠君歲晚寄書煩報我

題畫

山翠浮空初過雨山麓晴雲散芳渚霧合長林生曉寒人家
更在林深處澗泉六月禠松根石洞千年隱仙侶有誰共奕
橘中來無人問路桃源去白煙遮盡青林花野藪嫩香應可
茹清幽不減山之陰只欠蘭亭列觴俎誰乎寫此清而奇莽
莽雲山入毫楮細看猶有遺恨處胡不著我山之墅我生本
是邱壑豪誤落京塵幾寒暑小時畔牧峴山陽間從野人學
種樹門前魚浦曬竹禽屋上鶴巢走松鼠獨行採藥日暮歸
纔得芝術一斗許縱令服食不得仙何若長年載禾黍小村
秋晚雞正肥大甕春浮酒新煮老翁醉舞兒子歌笑語謳謌
忘賓主此樂不見十許年兵火煌煌照南楚思歸見畫萬感
生悵望風帆橫浦澈時清卽好謝官歸全家移向山中住

贈杭州包知事與直

大府包從事才華早見收孤忠橫北斗清節照南州白雨江
帆暮青楓水國秋向來憂世意惟有淚長流

窗燈

窗燈搖影細城柝報更遙白髮愁偏重丹心老未銷雲陰籠
月薄秋氣挾霜驅歸思如江水滔滔逐暮潮

讀賈誼王粲傳

白髮悲王粲青春羨賈生萬言詞慷慨一賦氣崢嶸弔屈心
猶壯依劉恨未平懷賢坐長夜斜月半窗明

龐村

野曠煙花白林深露草香雷聲送雨過山氣入雲長遠水鷗

邊淨薰風馬上涼長亭無限好暫此解行裝

秋日山行

林路彎迢遙村行野興饒兩山青入屋一水白平橋掃石收
松子畔煙種藥苗仙人王質輩應向此中樵

舟次松陵

客路幾時盡愁懷到處同斷帆衝暮雨短笛咽秋風水碧沙
雲白山青柿葉紅莫言詩費日光動錦囊中

和友人韻

二首

亂臣傾廟社禍木久胚胎萬里金城壞平原鐵騎來人心今
日異天意幾時迴痛哭英雄老淒涼卧草萊

月黑妖星現雲紅戰火燃曾連終踏海樂毅又辭燕痛哭懷

明主匡時倚大賢那堪頻眺望白雁落霜天

宿嘉祕寺

寂寂青山寺千峯翠欲薰禪林黃葉落僧飯白猿分松磴吹
晴雪柴扉鎖暮雲悟窮清淨理莫遣世人聞

山中值雨

風雨連天黑關河入望遙青山懷故國白首戀中朝小市河
魚上殘城野火燒寄身岩壑裏生意日蕭條

和梅知府寄來詩韻

坐想親朋摧肺肝寄來尺素百迴看虛窗琴冊塵埃亂匹馬
關山雨雪寒避地十年頭欲白去家千里淚難乾酒壺爛熳
堪謀醉強撥羈愁一盡歡

灤河

雨澗松聲琴築衰水邊亭子酒壺開千年海鵠遼東去萬里
灤江天際來沙路連城白似雪山光過雨碧於苔夷齊餓死
修名在渠渠清風被草萊

春日紀懷

平湖水碧動晴天獨樹花明簇簇烟小白肥鮮堪饌玉嫩黃
新韭不論錢田園蕪沒從兒懶杯酒淋漓任客卿四海奔馳
厭塵俗百年蕭散愛林泉

和周尹韻

雨餘秋水遠新軒心迹雙清好莫言松寺尋僧陪鶴侶茆陰
對客數雞孫年光荏苒驚殘夢生事蕭條憶故園兵後故人

知好在那堪白首卧衡門

送翼主歸相州

千營兵氣黑沈沈關塞蕭條草木深蛇伏黃蒿隴毒霧鬼吹
青火出空林兒童老大不相識墟墓荒寒只自尋親在遠遊
煩愛惜書來應抵萬南金

贈時中

白首相逢寥落中失聲一哭暮途窮霏霏江草愁邊綠寂寂
宮花夢裏紅海微歸心懸夜月柴扉病骨卧秋風人情任逐
東流水爛漫金樽莫放空

挽張及民先生

寂寞城南一畝官百年遺響寄孤桐巢由杖屢雲山外陶阮

生涯酒榼中
祠壁鬼燈然
夜雨墓門翁仲嘯
秋風招魂不隔
蘆溝水淚灑霜林萬葉紅

題萬松金闕圖

袞冕曾迎鳳駕來
煙沈金闕半蒿萊
霞蒸日氣紅初上
雲壓松陰黑半開
玉井遠瀧龍起蟄
虛窗笙響鶴飛迴
前朝事往雲無迹
愁聽江聲入夜哀

山行

村村寺寺竹好水
水山水山路遙
林鳥催人喚酒野
色隨車過橋

題垂虹亭壁

金樽綠酒蕩晴空
花壓雙鬢舞袖紅
莫唱何戡渭城曲
銀筆

嗚咽怨秋風

秋聲

漠漠微雲生曉陰滿庭虛籟薄霜林有聲元在無聲裏聽到
無聲思轉深

凌雲翰

九首

雲翰字彥翀錢塘人元末舉浙江鄉試除平江路學
正不赴洪武初以薦授成都教授有柘軒集四卷

四庫總目朱彝尊靜志居詩話稱雲翰學於陳眾仲次
其詩華而不爲靡馳騁而不離乎軌今案集有宣德
中王羽序云莆田陳眾仲提舉浙路儒學政以文鳴
於東南程以文躋譽與之伯仲柘軒汎埽程門獲承
指授其里人夏節作雲翰行述亦云早遊黟南程以
文之門是雲翰所師事者乃程以文而非陳旅諸家
所記甚明彝尊之言未知何據至謂其五言如陪祭
作七言如鬼獵樞才情奔放不可羈勒直可攀鄒離

之旗摩青邱之壘則品評頗當於雲翰非溢量也

題鍾馗圖

朔風吹沙目欲瞑宮柳搖金梅綻蘂終南進士佩然起帶束
藍袍靴露趾手掣硬黃書一紙若曰上帝錫爾祉翊璣于思
含老齒頤指守門荼與壘背放妖狐搗九尾一聲爆竹人盡

靡明日春光萬餘里

歸田詩話鄉丈凌彥翀名雲翰號柘軒至正間以周易經與士衡叔祖同登浙江省鄉榜授平江路學正不赴才高而學博爲鄉黨所推一日來訪叔祖不在以所和石湖田園雜興詩一帙留寄舍下數日予盡和之及見大驚喜爲作序文於前因是遂刊印相視且嘆嘆叔祖之不能盡知也繼以梅詞霜天曉角一百首依韻和就大加賞拔予視先生猶大父行而先生不以齒德自居過以小友見待每於諸長上前稱之不口喜後進之有人也洪武庚申冬爲人題鍾馗圖

云云不數日爲鄉人官於外郡者飛舉里胥臨門不容辭逼迫背上路到京授四川學官遂成詩識在任以乏貢舉謫南荒以卒歸骨西湖予送之葬有絕句云一去西川隔夜臺忍看白壁瘞蒼苔酒朋詩友凋零盡只有存齋冒雨來蓋感知已也

重過柳洲寺

買花載酒憶當年風景依稀最可憐彭澤有人歸栗里海波何處變桑田聯拳驚立枯荷雨寂寞鴉棲古樹煙幾度湧金門外望居民猶說總宜船

雲門草堂爲徐彥鍾賦

雲門寺近若耶溪溪上人家雲半迷秋雨正愁茅屋破春星還傍草堂低白鴟谷遠松筠老碧藻坊深花柳齊何似南州

徐孺子故居新壁待重題

江山圖爲傅德讓賦

江上愁心曾有賦煙江疊嶂偶成圖丹青自可追小李翰墨誰能繼大蘇野店山橋吟杖短桃花流水釣舟孤人生適志真名語命駕歸來不爲鯢

梅花清夢爲沈士敬賦

香凝燕寢情未分急雨打窗漚不聞美人憶在湘江水行路恍隔梨花雲殘燈紙帳尙知我落月屋梁疑見君西湖東閣雨奇精思中蝴蝶何紛紛

題畫二首

山風吹潔滅寒雲雞犬遙聞路不分松下仙翁清似鶴抱琴歸去禮茅君

欲向春山訪隱君野橋行過路纔分上方樓閣應無數留與

閒僧管白雲

溫日觀墨葡萄

風飄露灑一棚秋路入滄江憶舊遊憑仗金壺翻墨汁老禪
胸次有涼州

宋授之遺墨

宋玉多才賦遠遊曾拈彩筆寫清秋西風吹斷南州夢翡翠
蘭苕總是愁

鄭慎

三首

眞字子之鄞人洪武壬子鄉試第一授臨淮教諭秩

滿入京遷廣信教授引年歸有榮陽外史集一百卷

四庫總目

言系卷二十一

十一

大

著初與金華宋濂聲價相埒嘗與濂共作裴中著

堂記真文先成濂爲之閣筆後濂致位通顯號廊
廊真假塞卑棲以學官沒世故聲華閭寂傳述者稀

今潤所作雖不能與濂並驚詞婉而藻有根柢詞有

軌度與濂實可肩隨未可以名位之升沈定文章之

優劣也

李鄴嗣前上舊詩傳于之先生博極古今吳草廬

嘗發策十二事對者十不得一先生年甚少爲盡答

之由是有重名嘗採摭鄉先生言行文章撰四明文

獻錄後學稱之

田按榮陽外史達於經學以文名家詩亦清俊不愧

雅音

送胡廷幹歸松江

謫鄉壠畝懶幽栖物外遊塵不上衣自有阮生青眼顧也如
江總黑頭歸秋風東海導鱸熟晚日西園柿栗肥自此不須
談作客白鷗應許共忘機

題五河安淮驛遠碧亭

淮山遠送一螺青悄悄雲煙入杳冥檐外竹風醒鶴夢坐中
花雨雜龍腥佩聲雜遝天仙下蓬韻呻鳴水若聽使者船稀
官事少石牀孤坐夜觀星

許繼

十首

繼字士修南海人洪武中台州訓導有觀樂生集

遜志齊集士修詩溫厚和平歸乎至理清雅俊潔出乎天趣程邵之所存陶謝之所達沛乎其兩得之

田按士修侯城長友爲之序其集銘其墓所作觀樂九詩宋景濂歎賞之以爲不愧古人惜年三十七而卒未見其止集中五言趨步陶謝胸次旣高非徒慕擬

遺興

世道日云降何人激頽流於時競靡靡去古良悠悠鴻鵠有

高志一舉橫九州
簫籜自云廣燕雀方啾啾

夜坐

焚膏繼短晷坐此寒夜深不意片楮間乃見古人心曠懷浩四海內視不滿襟山空霜月白猿鶴流清音

夏日雜言二首

炎暑寡出入幽室常憇人清風天外來澹然成主賓忘言自諧意獨卧聊任真誰謂羲皇世乃屬柴桑民

濯濯思去垢不必江海流君看一勺泉淨涵千頃秋炎風塵滿道胡乃從遠遊歸將散余髮笑卧雲林幽

四明山道中

山行入微逕險絕不自安始盤幽谷底復出層巒嶺左倚干

仰壁右瞰萬丈淵石棧躋雲木洞壑號風泉飛流從空來飄灑如雲煙下視不可極目眩心茫然仰茲名山秀靈境高中天虛明日月戶上與列宿連便當攬八荒恍惚候飛仙躋攀力雖倦曠望意乃宣夜寒山月白聊宿于公禪

度桐岩嶺

鶻唳山月落旅枕鄉夢返迂途謝平皋首路指崇巘石門天梯峻遙逐蒼崖轉谷樹碧雲深澗花紅露泣徘徊望故隱我行亦未遠風景豈不佳羈懷自難展

夜宿淨土寺

月上山彌白風來石床冷山深氣如秋清景心獨領平生塵外意幸遇人事屏誰令墜迷途趨喧乃違靜猿鳴幽谷口徘徊

日言系圖卷二十一
暝古松頂勝境難復留晨征度雲嶺

山行憩林下人家

暫登上山岡復憩林下扉入林坐蒼石黃葉飄人衣窮秋野色改遙陰際寒暉悠悠嶺煙孤颺颺谷風悲情來欲何語興盡自言歸帶索老忽逢因思榮啟期

懷友

高臺多涼風朔氣橫暮雲黃金與時盡駿骨爲灰塵荒煙走狐兔落日蔽棘榛感慨百代下誰是悲歌人平沙漫浩浩黃流去沄沄遠遊諒已倦歸踏江南春

雪

山花寒不開庭雪曉還積江南十日春東風未相識翦條新

柳枝清淺故池色日晏啟荆扉迢迢遲來客

郭濬二首

濬字士淵南海人洪武中國子監生有樗園稿

田按上淵宋景濂弟子侯城友也侯城之交林公輔
也以士淵爲介紹士淵嘗應詔言時政忤旨劾下國
子監讀書同輩忌其名以譖死侯城祭士淵文云昔
被薦書翱翔太學抗疏殿庭覩者瞻落欲收其功先
銓其鏘斂而不施其聲愈揚在歲已未余從太史至
於京師聞天下士孰不奮筆自擬韓歐我程其文莫
如予優游采桑然辨峭暢達波瀉之壯鷹隼之決太
史好士無所不容獨奇予才稱之鑾公予鮮朋友亦
喜得子士生談于古大笑起舞意氣之盛自謂無儔但
首視天順視九州況子之才可以用世非若文人僅
名一藝天胡不然置子於毒困于謫構身死名辱眾
人無知謗謂子狂紛紛謠諑烏識否臧子之言行予
實知之一時毀譽何足喜悲觀此文可以得士淵之
平矣

題天光雲影軒

軒居俯澄碧高人謝煩喧斟泉漱寒齒坐誦上世言
意息絕機想理融淨塵根池樹忽微風天光蕩波痕至道諒斯著自
足窮本源所以川上翁難與俗子論

題句容劉景行便面

山容變秋空夕氣暝高樹索寞故人居雲蘿更深處欲敘平
生親何由拂衣去

劉剛

一首

剛字養浩義烏人

田按養浩宋景濂門人嘗作明鏡歌鼓吹曲杜叔衡書之詞翰雙美蘇平仲跋云養浩文辭有名繪紳間而此十二曲材雄氣昌辭與事稱有古作者之風胡仲子跋云潛溪宋先生爲宋饒歌傳頌緝紳間以爲度越姜夔可追比唐柳子厚今剛此歌篇次體製皆承子厚之舊而才氣橫發音節鏗鏘則得之潛溪又

將追步其武而駿驥其前矣其爲老輩推重如此情
今不傳

鶴林詩

鶴林羽士金門客舊闢丹房鍊瓊液手栽千樹虬髯松坐對
兩山虎頭石白雲晝靜豁巖扉溼翠滿階生紫芝瑤琴自奏
澗湍響銀河直挂瀑泉飛鼎爐存火烹鉛汞靈藥成苗幾時
種皓鶴翎梳雪鬢林碧桃花落霞飄洞琳宮紫闕想蓬萊疊
嶂連峰紫翠堆丹光穿壁如紅日應有仙人騎鶴來

錢岳一首

岳字孟安吳興人毫縣丞

寄鐵崖先生

老仙才氣輕韓李流落江南道不窮野史欲藏神禹穴直書

曾上大明宮蘭舟夜蕩鷗邊月鐵笛秋橫鶴背風陶寫惟應
賴詩酒薦賢何必效山公

劉渙六首

渙字彥亨紹興山陰人至正間授三茅書院山長道梗不赴洪武中尙存

詩談會稽劉渙渙子績績子師邵金章紫綬祖孫相傳三世名家

田按彥亨貢南湖壻故詩品略相近

秋晚溪行懷張孔叔

松下涼風吹客衣隔溪煙樹晚依依山空不見孤雲返日落惟看倦鳥歸世上黃金交態薄酒邊白髮故人稀別來陡覺成疏闊況復蕭蕭落葉飛

送王廷桂還姑蘇

紫馬嬌嘶踏軟沙
閩城裏客還家雨
添秋水灣灣碧風趁
江雲片片斜
惜別緩斟紅麯酒
傷心況對白蘋花
雁驚暮角南飛去
先帶離聲過館娃

初夏卽事

野色滿庭戶
畫涼清景佳
一雙白練帶
飛上石榴花

清明前一日作

小窗新綠着
枝輕寒逐東風
陣陣生燕子
不來花落盡
一篇疏雨又清明

小游仙詞

二首

玉京侍宴返瑤池
西母金輿九鳳幃
小隊旌旛三十六龍聲

馬影隔雲飛

綵女香衣結翠纓瑤笙學弄鳳凰聲玉樓徹夜無人瑣十二
闌干月自明

袁宗彥

二首

宗彥名宗以字行松江人洪武中官王府長史謫滇
有菊莊集

憶錢塘

十載飄零客路賒錢塘無復覩繁華六橋楊柳林逋墓一樹
棠梨蘚小家山徑翠輿湖上出樓臺畫鼓月中撻如今縱有
金如土坐聽荒城咽暮笳

春曉口占

東風翦翦柳毵毵欲試羅衣尙未堪怪我春來愁不醒杏花
微雨似江南

明詩紀事卷二十九

貴陽陳田輯

用籤

王諫一首

諫字元貞黃巖人洪武辛亥進士授戶部主事終太
平知府

公退述懷

華表儻人舊姓丁羽毛今日惜飄零眼中不見蓬萊淺門外
空憐柳樹青暮雨朝雲翻覆手落花飛絮短長亭如何旅店
黃粱飯催促英雄夢未醒

王敬中一首

敬中鄭人洪武辛亥進士授刑部主事終參政

送友人赴廉州

烏府才華美獨賢北風又上孝廉船
箇書尚有陳琳檄行李都無子敬璫
帆影曉分湘浦月珮聲晴拂隱山煙
壯遊萬里須乘興好著聲名到日邊

林谷顯 一首

谷顯長樂人洪武辛亥舉人官河陽知州

西湖

極目睇西岑楓林杳何許暝色入高樓
湖山正煙雨遙憐春水至崑崙滿芳渚少待風日佳扁舟共容與

馬德華 一首

德華名英以字行福清人洪武辛亥舉人泉州同知

田按德華在明初有詩名徐泰明風雅錄德華詩不知其名余從徐興公晉安風雅得其詳

蜀山圖

翠壁蒼厓峭入天雨餘芳草帶春煙錦江東去夔門險劍閣
西來鳥道懸丞相舊圖砂磧裏文翁遺廟夕陽前回看匹馬
經行處似有猿聲到耳邊

黃雋

一首

雋字文偉莆田人洪武乙丑進士授樂昌縣丞謫戍
以薦爲興化訓導

蘭陔詩話黃雋號玩菜生學行醇粹家居綏溪詩得
山水之助

題壺山別意圖送禮曹兄

征車不停轂逝水無迴波人生泛萍梗離別將奈何青山夕
鳥遠碧樹晴雲多對此易感慨莫遣歌驪歌

張庭蘭

一首

庭蘭澧州人洪武乙丑進士授審刑司詳議擢大理
寺少卿遷左都御史

龍門山

何年鑿此混沌胎赤鯉躍出龍門開千尺高崖宿牛斗一泓
碧水藏風雷敲陽六月焦下土河伯飛來共龍語願將一滴
瀉天瓢明日人間三尺雨

歐陽貞

一首

貞字元春分宜人洪武初鄉舉授考城主簿以老歸

後登乙丑進士有龍江叢稿餘學初集貧樂集

江西詩徵元春揭奚斯門人古文精易學

題贈一軒

十載追隨鴛鷺班九重宮闈拜龍顏歸來卻似香山老吟弄
寒流八節灘

任亨泰 一首

亨泰字古雍襄陽人洪武戊辰第一人及第授修撰
歷少詹事擢禮部尙書以事降御史未幾免有遺稿

二卷

雙槐歲鈔洪武戊辰會試以蘇伯衡及李叔荆爲考
試官得京闈新解首施顯爲第一人謂傳臚必復叶
上夢矣及取狀元乃監生任亨泰也寵遇特隆有旨
命有司建狀元坊以旌之聖旨建坊自此始也亨泰

襄陽人爲修撰每召建議卽賜手詔書襄陽任而不
名學與黃子澄並拜詹事府少詹事仍兼修撰已而
陞禮部尚書奉使交趾後左遷監察御史十三歲時
嘗題扇面云杲日初升萬木低盡船撐出小樓西先
生正熟朝天夢門外山禽莫亂啼其貴達也人以是
詩預占之

舟次匡廬寄同朝諸公

翰墨同時集禁闈恩榮甯謂及寒微舍人舊掌絲綸誥御史
新裁錦繡衣天上鴻鵠還接武江邊鷗鷺已忘機他年行部
如相見秋水蘆花是釣磯

陳時舉

一首

時舉字邦獻上虞人洪武戊辰進士刑部員外郎

題春景

煖風沙路不生塵水色山光雨後春應是白雲深谷裏閉門

高卧有閒人

俞永

一首

永初名允字嘉言松江華亭人洪武甲戌進士授行人改楚府紀善遷魯山知縣入爲禮部主事遷員外

郎謫長沙通判有春曹詩集

松江府志嘉言少好學與袁海叟陶宗儀陸達夫陳主客伯仲結詩社號爲小友其山居詩有池草生新句禽言得異名青蛇作龍匣底鳴翦取吳江千尺水達夫嘗稱之曰俞子穎秀咄咄逼人田按洪武癸酉侯誠以漢中教授典試京闈嘉言爲所取士革除時族方氏寄海興史魏澤陞侯誠九歲子德宗與台人余學蘓渡海至華亭青村主嘉言家嘉言妻以養女改姓余氏子孫蕃衍逮萬歷三十七年提學御史楊廷筠廉其事始復姓松人建正學祠以嘉言配食此可與嬰白存孤千古姪烈矣

題倪雲林畫

青山隔橫塘疏樹散幽徑山中人未歸閒亭秋色暝

陳鄒

一首

郊字安仲一字叔恭閩縣人洪武丁丑第一人及第授翰林院修撰

俞憲登科考洪武三十年丁丑廷對之士五十一人擢陳鄒第一既而北方舉人下第言取士不公上閥所取多南士疑之詔考官劉三吾及鄒等皆下獄命翰林儒臣重閱落卷得六十一人皆山東山西北平河南陝西四川土也鄒閩人精數學就試之日謂所親曰今歲狀頭當刑奈何已而果然事得之閩父老云

題漁隱

投竿非取魚孤榜一乘興清風松際來落日烏邊暝坐對忘機時波空釣絲冷

明詩紀事卷三十

貴陽陳田輯

用箋

胡子祺 一首

子祺名壽昌以字行吉水人洪武初以文學舉授監
察御史出爲廣西按察僉事改知彭州遷延平知府
晚過湖口望廬山

西望匡廬隔水涯羣峯削翠出雲霞巔前瀑布千秋雪澗底
菖蒲九節花董奉宅邊丹井在康王谷口夕陽斜南湖咫尺
還鄉路卻歎經行不到家

宋杞 一首

杞字授之錢塘人舉至正壬寅鄉試洪武初以考禮徵授全州知州未至道卒

田按授之與唐處敬同舉處敬稱授之通易遼史學兼工畫處敬題所畫扇云六十無成白髮鈍俄將紫綬換青衫衡潭一去無消息裏骨歸來有阿咸十一年前其榜名又同召命入南京只今零落丹青扇正似山陽笛裏聲凌彥翀亦有題宋授之遺墨詩云宋玉多才賦遠遊曾拈彩筆寫清秋西風吹斷南州夢翡翠蘭苕總是愁

趙彥徵畫

遠山入空青老樹擎寸碧近山接平坡疊翠見白石兩川盤處歧路平松林漠漠烟如織清溪疑自天日來鷗鷺飛起無纖埃有人曳杖過溪去渡頭古屋誰爲開王瑩學士畫家趣蕭灑文孫傳筆意風塵滿眼何處避安得向此山中住

季應祈 一首

應祈詩見慎蒙明詩雜集

小齋

蛛網挂空山雨晴溪頭水緩釣絲輕小齋無人白日靜卧聽
隔林雙鳥鳴

范宗暉二首

宗暉名暉以字行窩波人

田按錢仲益送宗暉赴雲南從軍詩云明年上京都
聘充戚里賓我亦被薦書謁選拜紫宸繆屈容臺屬
幸得聯朝紳與間復聚首相見不隔旬夫何事難料
告別何踐跋從軍赴溟陽西去逾峨岷宗暉蓋以戚
里賓客牽連謫溟者沐景斷錄其詩入滄海遺珠

閒情

齋居無俗尚自愛適幽情風定樹陰合雨餘泉脈清枕書雲
伴卧步屢鶴隨行曾與鄰翁約朝來共析醒

和僧中庭韻

平公卓錫濱海南出世有如優鉢曇庭前松柏曾手種堂下
玉板容我參談禪直解心卽佛從師獨見青出藍隨身一瓶
與一鉢碧山爲伴雲爲菴

林敏

四首

敏字漢孟長樂人有青蘿集三卷

田按漢孟別號盤所道人林子羽詩弟子詩在二玄
之上不入十子之列可謂不幸竹垞靜志居詩話謂
閩十子外能詩者有林漢孟而詩綜不錄一字余亟
錄四詩以補其缺

江上送鄭山人

祖帳送離人勞歌暮煙裏暝來江上宿殘日照寒水清尊醉
落花孤棹依蘆葦雨翳燈影微風兼笛聲起後夜有相思緘
書寄雙鯉

天王寺

珠宮隱上方載酒一乘興雨歇濕水涼雲歸古松暝忘機野
禽狎發詠山鬼聽坐對月上時空山響煙磬

登宿雲臺得外字

香刹辭世氛況同野人會寒巖結暝陰古殿藏深翠目極道
空半興落飛鳥外日暮惜解攜相看啞然喟

期宗人林大遊華藏海

巾舄行歌接梵筵偶來松下草芊芊也知只在秋雲裏潭水

溪花到處禪

李伯葵

二首

伯葵廬陵人有集

田按伯葵詩集楊東里序云嗚乎金石之和瑣乎佩玉之清邈平興寄之遠渾乎古意之存推挹甚至惜今不傳余從徐泰明風雅錄詩二首伯葵子昌祺爲永樂間名臣能詩信乎淵源之有自也

擬顧彥先贈婦

人生有離合日月有弦晦豈爲百年間如何長歡會與子相遇來私情託中饋旣感殷雷篇復陳雞鳴戒傾耳聆德音禮章素攸佩于茲遠行役結纓奉王事沈愴變憂戚哀憇傷五內吳越旣阻修伊洛互繁縈漫漫雲山側杳杳川梁外緜綸渺以風軒車展其蓋離思云滯塗誰能不悲慨于役有歸期

芳年恐難待

代答

唯薦與女蘿施于松柏枝雖云異根植性合終不移託身在
君室容德實我儀琴瑟日在御宴樂及良時方茲駕言邁邇
車載驅馳豈無室家念君命安可違握手一長嘆淚盡情淒
涌起視明星爛杳杳夜何其綢繆結衷曲豈復在斯須風塵
徧京洛勿使素衣錙委身殉國恩功成復來歸妾守蕪獨志
願保終惠期莫以容華晚恩愛爰色衰采葑及下體式副君子詩

劉子肩

五首

仔肩字汝弼鄱陽人洪武初應召至京

薦應召至京集同時之詩爲此書上自公卿下至衲子凡五十餘人而仔肩所作亦附焉所選之詩每人寥寥數首蓋是時諸人之集皆未成編隨得隨錄故未能彙備然明初諸家無專集行世者頗藉以略存梗概其時武功初定文治方興仔肩擬之雅頌固未免溢美要其資容詣婉雍雍乎開國之音存之亦足以見明初之風氣也

田按汝弼輯雅頌正音宋景濂張孟兼皆爲之序其應召至京以陶生敬薦當時名輩重之如此觀其所作音調鏗鏘時露新穎附名風雅良不虛也

春日與李二文學游城南

浩蕩關河遠周流歲月新獨醒愁對酒多病怕逢春楊柳城南路鶯花紫陌塵若爲聯騎出爲爾謫仙人

公子

玉堂諸公子聯翩出鳳城柳橫絲障綠花擁繡衣明玉勒迴

新騎金丸落小鸞晚酣邀上客歌吹向蓬瀛

別墅晚晴

郊原初雨歇散步出荆扉落日在高樹涼風生客衣佛香僧舍近江影塞鴻飛亦有南鄰叟忘言相與歸

夜讌

上相熟庸盛羈人會合難昔曾陪劍戟今乃廁衣冠酒向佳人醉花隨錦障看篆香羽鳴換銀甲小箏彈內屋開新色重簾護薄寒信君星海陸妙舞播椒蘭豎達儕梁苑才謹擬建安任情從客狎劇飲樂杯乾門第青春迴星河五夜闌歸轂拂華薄零露已溥溥

荆南江晚眺有感

沙頭寂寂晚維舟，詞客重來感舊遊。
江上夕陽諸葛廟，雨中芳草仲宣樓。
天連錦水來春色，雲暗襄陵起暮愁。
回首可憐梁甫意，一官半落向南州。

許中麗一首

中麗字仲孚汝南人

田按仲孚輯光岳英華自一卷至三卷唐人詩四卷至十卷元人詩十一卷至十五卷明初詩王漁洋云此集有揭帙序云分律詩歌行凡若干首今本僅七言律無歌行或非完書矣然卷帙與焦太史史經籍志合豈焦氏所據抑此本而歌行久軼不傳耶自有宋歐梅蘇黃已後律詩多變體求其抑揚抗墜有唐人遺音者百無一焉許氏此編由極變而返之正不爲無謂宋可盡廢而使無傳也今檢四庫存目亦十五卷與漁洋所見之本適合仲孚詩不多見特存其人以爲好事者勸焉

丙辰冬過中京書事

鳳凰城闕紫霄間
歷數有歸王氣還
舊說圖書符洛邑
新瞻玉帛會塗山
太平有象耕桑盛
邊奏無聞甲冑閒
自古賢才躋盛美
願歌天保答龍顏

顧田 一首

田字九疇甯海人有耕雲集

田按九疇過倪橋卽事詩老翁杖策秋樹根笑看兒童拾紅葉殊有畫境

桃源夜坐思親

西風浙浙吹窗櫺中夜起聽心獨驚一葉兩葉梧桐落三聲四聲更鼓鳴玉露寒欺客衣薄冰壺冷浸秋月清我爲思親苦無寐孤吟坐待東方明

林原縉 一首

原縉字居恒太平人

三台詩錄林居恒詩酒優游不樂仕進與邱慎餘何東閣等九人會里之花山修白香山故事稱花山九老有唱和詩

遊花山分得日字

端居離垢氛頗覺飛興逸笑逐香山老來叩維摩室杖策徐徐行蘿逕深深深入山僧留我坐烹葵事筵席世慮澹相忘塵靄詎能逼永緒逍遙遊何妨效真率

邱海

一首

海字慎餘長嚴人

三台詩錄慎餘少年負才喜俠遭亂避地往來九峯泉溪之間詩格老而益進與花山九老

赤壁磯阻雨

風雨晚來急長江生暮愁亂雲迷別浦駭浪蹴孤舟薄命常
爲客羈懷不耐秋天涯思無限浩渺付滄洲

陳川 一首

川天台人詩見三台詩錄

米元暉苕溪春曉圖

扁舟昔過江南道兩槳吳歌弄春曉野水蘭苕月微低滄洲
白蘋風不悄閣晴水氣盡冥冥破暝雞聲殊草草人煙蒼莽
隔朝墟幽夢微茫墮湖島輕花吹送客櫓遙鼙鳥驚翻曙鐘
早初陽忽露何處村曲折青林山寺小見圖歷歷舊所遊白
髮摩挲愧幽討前身恐是杜牧之題詩解寫江南好

程用晦 一首

用晦字明遠休甯人明初以明經舉不就有清隱葉

利彥珍韻

閒來遙憶隱君鄉門擁荒山帶夕陽苔暈旋添蒼徑滑松陰
時轉北風涼高懷君軟朱仁軌癡性予慙顧長康何日相從
陪夜話石爐湯沸紫茸香

劉琮玉 一首

琮玉字潤芳鄱陽人有清華集

答陶友靜

寒山陶處士冰蘖自爲心石徑幽花瘦茅檐翠蔓深卧聽鶯
嘲樹閑數鵠歸林不到芝城久春來爲苦吟

章喆 一首

詰字子愚新喻人有南閩山稿擊壞遺音江湖漁唱

集

江西詩徵章詰號雲岑山人梁石門人博學工詩絕意仕進

寄永豐習韶

長嘯空巖叟蕭條生意疏白頭淹筆硯青眼賴妻孥竹徑隨風埽蔬畦帶月鋤相知惟習老音問數年無

徐頤二首

題字伯昂上虞人

野航

軒居瀟灑構來小望中艇子渾是真任渠水長過三尺添箇客來容幾人興阻泛雪剡溪曲夢驚泊雨湘江濱宦遊誰道

類萍梗暫托爲家棲此身

題山水畫

秋雨蒼苔路不分石林茅屋掩斜曛高人一去無消息依舊

青山護白雲

葛貞一首

貞字元良上虞人有悠然集

月夜寄友

浮雲淨虛碧涼月上東嶺散髮步南軒徐徐踏清影寒螿動
階除倦鳥投林暝感與時序遷日月不我永豈無嶧陽琴苦
乏知音省題詩寄同心搔首空引領

舒壽童一首

壽童字里未詳詩見黔窩集

獻西平侯詩

昭代挺英傑千載應昌期秉鉞溝西南恩威浹羣夷濟濟旌
旗明堂堂號令施清風滿遙甸生息皆消熙上副宸衷眷下
慰飢渴思鄙人萬里來欣得瞻葆旗何以訴私懷拜手陳此
辭

蕭規

一首

規字元則其先楚人明初徙居吳江再徙蘇州有湖
山樵寓集

姑蘇志元則學長於春秋毛氏詩讀書樂道不求祿
仕人稱竹園先生

雪篷圖爲吳淞蔡子堅作

吳榜何年過東浙帶得山陰一遙雪春風浩浩吹不消夜月
娟娟照偏潔雪蓬主人自好奇誠客日遊隨所之呼酒恒持
金鑿落對花自品玉參差咿啞柔櫓渡湖曲驚起鶯鶯不成
宿汎汎斜當橋樹移搖搖直傍星槎逐櫂歌齊發聲抑揚高
情獨昵水雲鄉從遊酬酢誰最密僑雅人稱馬季良

邢沂

一首

沂字師魯金華人

田按沂一號雙巖處士洪武初應詔解歸楊東里稱其詩思清氣完如歲寒松柏挺然蒼翠可玩

遊三洞

千盤百折行攀礪十步一坐聽潺湲懸崖削碧一天豁古洞
闕黑雙龍蟠雪竇流泉白石凍冰壺挂月清秋寥寥真仰探

指木末忽覺兩臂生羽翰

林右二首

右字公輔臨海人洪武中中書舍人進春坊大學士以事謫中都教授有林公輔集三卷

田按公輔與侯城友善侯城懷舊詩云雄文不見林公輔病眼荒荒何處開公輔集中亦有序侯城文推爲豪傑之士先侯城死侯城巾山草堂記云壬戌七月之望予偕葉夷仲張廷璧林公輔陳元采夜登巾山絕頂飲酒望月縱談千古竟夕不眠予謂葉君已昔蘇子贈夜登黃樓觀王定國誦公登恒山吹笛飲酒乘月而歸以爲太白死三百年無此樂斯樂也又予瞻死三百年後所無也諸君皆大笑計其時忽十五年今存者獨予與張陳耳考王戌爲洪武十五年樂時召公輔不赴械至京遭剝死者妄也公輔序者謂示人詩云廷愼在鳳陽時嘗讀杜詩忽然悟曰古人詩年不作一詩一日呼童子研墨甚急大書所作感興

詩極其宏壯時江西劉子蕙以詩自負見而嘆之曰
是子且來逼人矣後廷慎與余相見秦淮上誦夢余
詩云少時結交友恨恨長憶君何其夜來夢復接平
生親握手步雲閣示我高世文渾雄脫凡近要妙幾
通真余嘆曰吾豈文士也邢公輔集中又有序孫惟
學詩云今詩獨盛於吳吳之詩獨推高公季迪有高
公之學者孫惟學氏其詩迥視高公今廷慎詩集不
傳而孫惟學者知其名者鮮矣附記其敘論於此庶
不沒文士之苦心也

琴操二首

雲間曹伯簡氏號曰古村民名其居曰古村居余作
二操以遺之風月清靈援琴而寫之庶乎其在無懷
氏之鄉乎抑葛天氏之民乎

朝出遊兮水滸采盈筐兮蘭杜振余佩兮繢紛念夫人兮遼
古遵皇路兮怡怡笑舞何方變兮歟茲多戶歸來兮無失我

宇

月泠泠兮在牖步廣庭兮無聊慨往者兮不再拂吾琴兮聲
颺颺際無始兮太羹元酒羌衆聲之雜遝兮於吾心其何有

胡溫一首

溫字遵道會稽人

林公輔集胡風子名溫少落魄湖海間晚入閩溫好飲不常得人方具飲溫不問主客卽往造飲引益大醉不謝而去出行市間羣兒逐之呼曰風子溫亦顧而自笑夜宿古廟遇寒冬甚雪穿布單衣履草履人遺之以衣行未數步遇貧者卽解與之嘗過元忠臣漳守迭里迷祠酌水而祭之曰衆之生不如侯之死名長在此萬歲千秋元之臣子拜已大笑而出著書名曰竹帛流芳載元之忠臣義士并貞烈女敘其系之以詞類饒歌輕重皆有深意溫之爲人可知矣

喜鵲歌

閩山喜鵲少越山喜鵲多如何不歸去其如羅網何

林公輔集湖溫聞漳帥徐玉喜士甚特過其家玉召飲同官卽令從者設餚以待已而溫至或歌詩或起舞或慢罵其同官玉不厭也一曰告玉曰我將歸矣負橐行三舍爲關者阻而回發橐中止有古硯贈諸所往來曰爾可與吾沽酒酒至縱飲起舞歌閩山喜鵲一絕歌畢卽斂目仰卧而死按溫歌曰閩山喜鵲少言閩中賢者少也越山喜鵲多言越中賢者多也如何不歸去其如羅網何言久留於此恐罹禍也

危德華

一首

德華光澤人詩見明風雅

懷仙詞

玄都昔謁紫陽君夜讀丹書玉洞文春雪樓西坐明月鳳簫吹落萬松雲

黃夔

二首

裴字仲裴文江人

田按仲裴有寄黃玄之詩當亦洪武時人也詩見明風雅

秋夕寄懷異上人

老僧住處沃州山杖錫^圖時獨往還身寄野雲浮世上心隨海月到人間草堂夜永禪俱寂竹院秋深鶴與閒更憶翻經雙樹下衲衣應染石苔斑

南閣病中兼寄黃玄之

水國南頭晝掩扉衰容垂柳共依依雁來高閣春歸盡雀下閨門客過稀對酒花枝憐獨卧盍簪芳草念多違憑君爲問清吟處何日相從賦采薇

周谷賓 一首

谷賓蘇州人

田按谷賓詩見明風雅鑄網珊瑚一作蘇州人一作雲間人余檢王璡寓圃雜記云吾鄉甫里周谷賓有學之士跋足以自號跋樵則爲蘇州人明矣

與趙宗禮乞瓢

匏星墮地不化石生出大瓢奇絕倫癯形肖鶴引長頸枵腹類壺藏古春箕山曾遭許由棄陋巷卻與顏回親緣知濩落難爲用乞與甘貧飲水人

邵光祖一首

光祖字弘道蘇州人

秋興

半落江湖不計年擬尋歸計面林泉山間買地多栽楠谷口

分手去相見期日已近
歸向客中客歸歸上北歸
西風孤館獨宿南歸行客相過
送秋水

醉笑文園歸人歸見曾安國

醉笑

一

歸心急急急急急急急急急急急急

歸家急急急急急急急急急急急急